




H.M. 299.











# Cogadh mòr na h-Eòrpa

## DAORSA AGUS SAORSA AIRD



Agus gabhaibh  
clogad  
na slàinte.

Iadsan a théid sios  
do'n fhairge air longan;  
Chi iadsan gniomharan  
Iehobhah.

Dhia beannaich ar Righ

Cò sgaras sinn o ghràdh Chriosd? *an dean* trioblaid, no àmhghar, no geur-leanmhuinn, no gorta, no lomhnochduidh, no cunnart, no claidheamh?

Ni h-eadh, ach anns na nithibh sin uile tha sinn a' toirt tuilleadh agus buaidh, trìdsan a ghràdhaich sinn.

Oir tha dearbh-bheachd agam, nach bi bàs, no beatha, no aingil, no uachdaranachda, no cumhachda, no nithe a tha làthair, no nithe a tha ri teachd,

No àirde, no doimhne, no creutar sam bith eile, comasach air sinne a sgaradh o ghràdh Dhé a tha ann an Iosa Criosd ar Tighearna.

*Rom. viii. 25, 37-39.*


Agus chi iad 'aghaidh; agus bithidh 'ainm-san air clàr an eudain.

*Taisb. xxii. 4.*

# *Cogadh mòr na h-Eòrpa*

DAORSA AGUS SAORSA

AIRD




*Printed by OLIVER AND BOYD, Edinburgh, for*

The Church of Scotland,

The United Free Church of Scotland, and

The Free Church of Scotland

*Translated from an unpublished MS. by the  
late Dr Aird of Creich, entitled An Analysis  
of the Westminster Assembly's Shorter  
Catechism, 1855-95, and printed by a Joint  
Committee of the Churches, for the use of  
Sailors and Soldiers in H.M.'s Forces.*



## INTRODUCTION

IT seems a long long time since the thunder of the guns broke the peace of the nations, and the struggle began which will decide the fate of the world. In the hour of battle it was never the way of the Highlander to keep to the back of the fray, and in our day the manhood of the Scottish Highlands has flocked to the colours. In every battle on sea and land our countrymen have borne a noble share. Where men fell thickest, there the tartan gleamed; where the enemy fled, there the piobrochd thrilled the blood. As the Highland Brigade breasted the slopes of the Alma, stern silence fell on the ranks until Sir Colin Campbell lifted his bonnet and they rushed on the foe with the slogan of victory; but all the glories of the days of old fade before the glory of our day. The mightiest military power in the world burst in mighty flood, wave after wave, seeking to over-

## Introduction

whelm that line of soul and iron that barred its way to world dominion, but, before the heroism that never flinched, it broke and wavered and crumbled. In those great hours when the soul of the world was saved, we are proud that our race bore nobly its part. When at Waterloo, Napoleon saw his ranks yield before the onslaught of the Highlanders, he did not restrain his admiration for his enemies, but exclaimed, "Les braves Ecossais"—"Brave, brave Scots-men." As we think of the men who have died that we may live, what can we say but just that: "Brave, brave Fellow-Countrymen." And we say it with love and tenderness and a great feeling of gratitude in our hearts.

Which to admire most, the men who went forth to face death, or the parents and wives who gave them at their country's call, I know not. There was a boy of eighteen years from the Isle of Skye who gained the D.S.O. at Loos, and who, a year later, was killed. Regarding him the father wrote to a friend:—"His mother and I both know that though our boy had been spared to the threescore years and ten, he could never have achieved anything greater or nobler than he

## Introduction

achieved dying." And that was the spirit of all our Highland people. In no part of the British Empire has there been more losses of brave men than in the Highlands, but the sorrowing hearts are sustained by the overshadowing God. In these days men and women into whose hearts the iron has pierced are realising, as never before, "The Comforter which is the Holy Ghost."

It was to keep our men at the front in living touch with that life of the Spirit, which is the inheritance of their race, that a small Committee was formed in Edinburgh to supply them with Gaelic devotional literature. There was but little available of suitable form, so books were translated, or edited, representing what is best in the religious literature of the Gael. The burden of the work fell on the Rev. Donald Maclean, Free St Columba Church, Edinburgh, and the Rev. Malcolm MacLennan, D.D., St Columba U.F. Church, Edinburgh. To them the Highland sailors and soldiers owe the booklets which brought the message of the Everlasting Gospel in the language they love. They will not lose their reward.

Those who undertook the work of sending forth

## Introduction

the booklets will be amply rewarded if through the printed word there may come to the sailors on the deep or the soldiers in the trenches the fuller sense that God is with them. This terrible scourge of War has not been sent without a purpose. It is in the night that the stars arise and shine, and it is in the day, dark with affliction, that the vision of God arises on the soul. We had given ourselves to pleasure and to Mammon and were forgetting God, but our laughter has been hushed and our Mammon seen to be dross when the great and terrible day of the Lord dawned. We have learned once more through blood and tears that nothing is of any value in the world except to love God and to serve Him. There has come a new sense of the value of the power of prayer. We have cried to God like our fathers of old and He has heard us. At Bannockburn six hundred years ago, the Scots "full devoutly knelt down to pray ; and a short prayer they made to God to help them in that fight." They prayed and they conquered. Thus has it always been. If, at the front, the men have prayed, at home prayer has ascended without ceasing. At the hour of worship, in the stillness of the quiet glen, the prayer has risen to the Father that the sons far

## Introduction

away might be shielded from the enemy of the body and the enemy of the soul. And because of these prayers in the Church and the home, the hearts of our soldiers have been garrisoned by the Spirit of God. They have not been forsaken nor have they been overwhelmed, and at last victory will be theirs.

When the battle for the soul of the world has been gained and the great army comes home again, it is our hope and our confidence that the men who have faced death for freedom and righteousness will, in the after days, prove themselves good soldiers of Jesus Christ. There will come, through this great visitation of God, many changes. Evils which have gnawed like a canker at the heart of the nation, we must destroy. The places which have been solitary and desolate must again be peopled. The altars of our God must again be reared in our homes. And it is the men who have looked death in the face, and have saved the Empire on the battle-field, who shall lead the nation hereafter into the promised land of love and righteousness. But there will be no promised land for any except for those who see the ancient guiding fires burn and shine, leading them on.

## Introduction

Our prayer at home for the men at the front is just this, that their eyes may not grow dim to the vision of God, and that, in life and death, the Everlasting Arms may be around them, and that, at last, should God spare them to come home, they may set themselves to establish the Kingdom of God and build up Jerusalem in this our beloved land.

NORMAN MACLEAN.

EDINBURGH,  
*November 1916.*

## *A sheòldairean agus a shaighdeirean Gàidhealach !*

ANN an ainm an Tighearna Iosa Criosd, Prionnsa na sìthe, tha sinn a' cur fàilte oirbh.

Mar chinn-suidhe thriù eaglaisean a tha searm-onachadh an t-soisgeil anns a' Ghàidhlig, dh-iarradh sinn a dheanamh dearbhta dhuibh gu bheil ùrnuighean ar coimhthionalan a ghnàth a' dol suas as bhur leth. Gu 'n robh Dia 'n a sgiath dhuibh ann an là a' chunnairt, a' tabhairt duibh foighidinn agus neart an làithean feithimh agus faire, buaidh ann an là a' chatha, agus gu 'n gabhadh e thuige féin sibh an uair a' bhàis! An lorg bhur fulangais agus bhur féin-iobradh gu 'n robh sith le ceartas air a stéidheachadh air an talamh, an ùin gun a bhi fada!

Cha 'n 'eil ceàrna de 'n t-saoghal air nach do dhrùidh fuil uasal nan saighdeirean Àrdhealach, anns na làithean a dh'fhalbh, 's iad a' cathachadh as leth rìgh agus dùthcha. Thug sibh dearbhadh mu thràth, anns a' chogadh so, gur mic sibh a tha airidh air cliù bhur sinnseachd. Tha sinn a' toirt buidheachas do Dhia air bhur son. Ma

thig a' ghairm oirbh gu triall as a so, cuiribh bhur n-aghaidh air a' bhàs mar dheagh shaighdeirean Iosa Criod ; ach ma 's e rùn an Tighearna, sibh a thighinn dachaидh fa-dheòidh gu bhur tìr agus bhur dàimhean caithibh aimsir bhur beatha mar dheagh shaighdeirean Iosa Criod.

Mar dhuinne is amhluidh dhuibhse, cha 'n 'eil ann ach aon tearmunn, eadhon Dia. A mhàin cuireamaid so 'n 'ur cuimhne :

'S fearr na bhi 'g earbs' á duine beò  
Ar dòchas chur an Dia ;  
'S fearr na bhi 'g earbs' á prionnsaibh mòr  
Ar dòchas chur 's an Triath.

Is sinn,

bhur seirbhisich anns an Tighearna Iosa Criod.

*Dan'l Paul, D.D., LL.D*

*Ceann-suidhe Eaglais na h-Alba.*

*Alex. R. MacLennan, D.D.*

*Ceann-suidhe na h-Eaglais Shoir Aonaichte.*

*I. MacDonald.*

*Ceann-suidhe na h-Eaglais Shoir.*

## *Clar-innsidh*

PAGE

### TRUAIGHE AN DUINE.

Ciod an staid gus an d'thug an leagadh an cinne-	
daoine? . . . . .	I

### AM FEAR-SAORAIHDH.

Co is Fear-saoraiddh do phobull taghta Dhé? . . . . .	9
---	---

### A' GHAIMR EIFEACHDACH.

Ciod i a' ghairm Eifeachdach? . . . . .	25
---	----

### FIREANACHADH.

Ciod e fireanachadh? . . . . .	52
--------------------------------	----

### CREIDEAMH.

Ciod e creidimh ann an Iosa Criosd? . . . . .	78
---	----

### DIOGHLUIM . . . . .



## TRUAIGHE AN DUINE.

CEIST. *Ciod an staid gus an d'thug an leagadh an cinne-daoine?*

FREAGRADH. *Thug an leagadh an cinne-daoine gu staid peacaidh agus truaighe.*

### *Ceasnachadh.*

*C.* Co bha air an toirt gu'n staid peacaidh agus truaighe so? *F.* An cinne-daoine.

*C.* Ciod thug iad dh' ionnsuidh na staid so? *F.* An leagadh.

*C.* Ciod iad roinnean staid an leagaidh so? *F.* 1, staid peacaidh; 2, staid truaighe.

*C.* Co tha 'san staid pheacaidh agus thruaighe so? *F.* An cinne-daoine.

*C.* Cionnus thàinig an cinne-daoine dh'ionnsuidh na staid so? *F.* Leis an leagadh.

*C.* Ciod tha air a chiallachadh le staid peacaidh? *F.* Cor anns am bheil daoine peacach 'nan nàdur, 'se sin, ann an gaol ris a' pheacadh, le aomachd

# Truaighe an Duine

làidir peacadh a dheanamh 'nam beatha 's 'nan còmhradh.

- C.* Ciod tha air a chiallachadh le staid truaighe?  
*F.* Staid mi-shuaimhneis agus fulangais an lorg peacaidh.

## *Roinnean.*

1. Staid an duine air tùs. 2. A staid a nis.  
3. Mar thàinig e dh' ionnsuidh na staid so.

### *1. Staid an duine air tùs.*

*C.* C'ait an do shuidhich Dia an duine aig a chruthachadh? *F.* Air tùr àrd na naomhachd agus an t-suaimhneis.

*C.* Ciod tha air a chiallachadh le staid na naomhachd? *F.* Gu robh beatha Dhé 'na anam, iomhaigh Dhé air, agus glòir Dhé a chrioch àraidih.

*C.* Ciod tha air a chiallachadh le staid suaimhneis? *F.* Gu robh fàbhar Dhé aige, co-chomunn dlùth aige ri Dia, tlachd aige ann an Dia, agus tlachd aig Dia ann-san.

*C.* An i so a staid a nis? *F.* Cha'n i; oir thuit e le 'aingidheachd, Hosea xiv. 1.

### *2. Staid an duine a nis.*

*C.* Ciod i staid an duine a nis? *F.* Cha'n i

## Truaighe an Duine

an staid anns an do shuidhich Dia e air tùs ; tha e air tuiteam uaithe, agus air teicheadh o Dhia.

*C.* C'ait a bheil e a nis?. *F.* Tha e air tuiteam dh' ionnsuidh doimhneachd peacaidh agus truaighe ris an abrar 'sa' Bhiobull, slochd uamhunn, clàbar lathaich, Salm xl. 2 ; slochd anns nach robh uisge sam bith, Sech. ix. 11.

*C.* C'arson a theirear staid peacaidh agus truaighe ri staid an leagaidh? *F.* Do bhrigh gu robh peacadh agus truaighe ro phailt aige, agus gu bheil e daingnichte annta. Air do shonsa fòs, le fuil do choimhcheangail chuir mi mach do phriosanaich as an t-slochd anns nach robh uisge sam bith, Sech. ix. 11.

*C.* Ciod tha daingneachadh an duine ann an staid peacaidh agus truaighe? *F.* Tha bagraidhean cùmhnant briste nan gniomh, Gal. iii. 10 ; agus nàdur a' pheacaidh, Ephes. ii. 1.

*C.* Cionnus tha bagraidhean cùmhnant briste nan gniomh a' daingneachadh an duine ann an staid peacaidh agus truaighe? *F.* Tha iad a' socruchadh ceartais Dé an duine a chur fo'n bhàs thrài-fillte a tha an cùmhnant a' bagradh : an t-anam a chiontaicheas gheibh e sin bàs, Esec. xviii. 4.

## Truaighe an Duine

C. Cionnus tha nàdur a' pheacaidh a' daing-neachadh an duine anns an staid so? F. Far a bheil e riaghladh tha e a' deanamh an duine gu buileach eu-comasach air e fhéin a shaoradh, agus neo-thoileach gu'n saoradh neach eile e; is nàimh-deas an inntinn fheòlmhor an aghaidh Dhé, Rom. viii. 7; agus mar is fhaide dh' fhanas duine fo'n mhallachd, is ann is daingnichte tha rioghachd a' pheacaidh air a freumhachadh ann.

C. Ciod e doimhneachd an t-sluichd so a' pheacaidh agus na truaighe dh' ionnsuidh an do thuit an duine? F. Tha e cho domhain ris an astar a tha eadar naomhachd agus peacadh; suaimhneas agus truaighe.

C. C'arson tha staid peacaidh air a cur roimh staid truaighe? F. Do bhrigh nach b'urrainn truaighe a bhi ann gun phecadh a bhi ann, oir is pecadh aobhar cosnaidh gach uile thruaighe; oir is e tuarasdal a' pheacaidh am bàs; Rom. vi. 23.

C. Ciod is miosa ar peacadh na ar truaighe? F. Ar peacadh, oir tha e a' bualadh Dhé dìreach, agus is e aobhar na truaighe; an àite sin, cha'n'eil truaighe a' bualadh nam peacach a mhàin.

C. Nach'eil peacadh 'na thruaighe do dhuine cheart cho maith ri bhi 'na chiont an aghaidh

## Truaighe an Duine

Dhé? Tha; oir 'se bhi fo chumhachd riaghlaidh peacaidh agus ana-miann an truaighe as mò, Ephes. ii. 1, iv. 12.

C. Cionnus tha staid peacaidh agus truaighe dh' ionnsuidh an do thuit an duine air a cur an céill 'san sgriobtuir? F. (1) Mar staid dòrchadais, oir bha sibh uair-éigin 'nur dòrchadas, Ephes. v. 8. Cia uamhasach a bhi anns an dorcha thaobh Dhé, peacaidh, an anama, Chriosd, tìm, siorruidheachd, Shatain. (2) Mar staid fhad as; ach a nis ann an Iosa Criosd, tha sibhse a bha roimh so fad o làimh, air bhur toirt am fagus tre fhuil Chriosd, Ephes. ii. 13, cia eagalach! (3) Mar staid dìtidh agus feirge, ach an tì nach creid, tha e air a dhìteadh cheana, Eoin iii. 18; ach an tì nach 'eil a' creidsinn anns a' Mhac, cha'n fhaic e beatha; ach a ta fearg Dhé a' gabhail còmhnuidh air, Eoin iii. 36. Cia eagalach a bhi fuidhe! (4) Mar staid daorsa agus braighdeanais, an toirear a' chreach o'n fhear làidir, no an leigear a' chobhartach dhligheach as? Isai. xl ix. 24. (5) Mar staid bàis, araon laghail agus spioradail, agus sibhse bheothaich e, a bha marbh ann an euceartaibh agus ann am peacaibh, Ephes. ii. 1.

C. An cuidich duine leis féin, no an toir se e

## Truaighe an Duine

féin as an staid so? *F.* Ni mò nì an naoidhean air lùr bhreth a chuireadh a mach air a' mhachair fhosgailte, an creutair as neo-chomaisiche de na h-uile chreutairean, e féin a chuideachadh, no'n an duine marbh e féin a thoirt beò.

*C.* A bheil iarrtus no toil aig an duine 'san staid so a bhi air a chuideachadh aisde, an uair tha cuideachadh air a thairgse dha? *F.* Cha'n 'eil, oir tha a nàdur an nàimhdeas an aghaidh Dhé, agus air an aobhar sin tha e diùltadh an aon chuideachadh a dh' ullaich Dia.

*3. Mar a bha an duine air a thoirt dh' ionnsuidh na staid so.*

*C.* Cionnus thàinig an duine dh' ionnsuidh staid peacaidh agus truaighe? *F.* Leis an leagadh, oir tre eas-umhlachd aoin duine rinneadh mòran 'nam peacaich, Rom. v. 19, tre chionta aoin duine rioghaich am bàs tre aon, Rom. v. 17.

*C.* Cionnus, an uair bha an duine anns an staid naomh agus shona so, thuit e uaithe dh' ionnsuidh na staid so do-labhairt eadar-dhealaichte? *F.* Dìreach le mi-ghnàthachaidh a thoile féin. Sgrios thu thu féin.

*C.* An robh e air a thilgeadh o'n àrd-inbhe so anns an do shuidhich Dia e? *F.* Cha robh, b'e a

# Truaighe an Duine

thuiteam a ghniomh féin ; ged thugadh a thaobh e le buaireadh, ghéill e dha le shaor thoil féin.

*C.* Ged thug an duine e féin gus an staid so, an saor se e féin aisde? *F.* Cha saor.

*C.* Co a mhàin a shaoras e? *F.* An Tighearn a mhàin. Tha slàinte bho'n Tighearna.

*C.* Ciod am meadhon a dh' ullaich e chum saorsa an duine as an staid so? *F.* Is e còrd tri-fille gràidh Dhé, a tha air a leigeadh a nuas o nèimh ann an cur an céill tairgse an t-soisgeil do pheacaich a' bàsachadh ann an staid peacaidh agus truaighe, chum, le iadsan a bhi greimeachadh air, gu'm bi iad air an toirt as an t-slochd uamhunn so, agus an cosan air an cur air carraig, agus air an teàrnadh le teàrnadh siorruidh.

## *Teagasg.*

1. Gu bheil an saoghal gu léir ciontach fa chomhair Dhé, agus gu bheil na h-uile anns an aon suidheachadh.

2. Thoir fainear gràdh neo-chriochnach Dhé ann an cur a Mhic féin, an t-aon slànuighear a mhàin dhaibh-san a thuit agus a tha cailte á staid peacaidh agus truaighe, agus 'gan teàrnadh le teàrnadh siorruidh.

## Truaighe an Duine

3. Thoir fainear cunnart na h-uile a bhuanicheas ann an staid peacaidh agus truaighe an déidh gach gairm agus cuireadh a thréigsinn. Cionnus a théid sinne as ma ni sinn dìmeas air slàinte co mòr?

*Earail.*

Bi air do làn-dhearnabhadh a nis greim a dheanamh air Criod, an t-aon shlànuighear.

## AM FEAR-SAORAIHD

CEIST. *Co is Fear-saoraidh do phobull taghta Dhé?*

FREAGRADH. 'Se's aon Fhear-saoraidh do phobull taghta Dhé, an Tighearn Iosa Criod, neach air bhi dha 'na Mac sìorruidh do Dhia, a rinneadh 'na dhuine, agus mar sin bha agus mairidh e 'na Dhia agus 'na dhuine, ann an dà nàdur eadar-dhealaichte, ach 'na aon phearsa gu sìorruidh.

*Ceasnachadh.*

*C.* Cia lion Fear-saoraidh tha ann? *F.* A h-aon.

*C.* Co is Fear-saoraidh do phobull taghta Dhé? *F.* An Tighearn Iosa Criod.

*C.* Co dha is Fear-saoraidh an Tighearn Iosa Criod? *F.* Do phobull taghta Dhé.

*C.* Ciod tha an Tighearn Iosa Criod do phobull taghta Dhé? *F.* 'Na Fhear-saoraidh.

*C.* Co e an Tighearn Iosa Criod? *F.* Is e Mac sìorruidh Dhé.

## Am Fear-saoraidh

C. Ciod bha Dia do Chriosd? F. Athair, Dia agus Athair ar Tighearna Iosa Criod.

C. Air bhi do Chriosd 'na Mhac do Dhia, ciod a rinneadh e? F. Rinneadh e 'na dhuine.

C. Ciod bha Iosa Criod mu'n d' rinneadh e 'na dhuine? F. Bha e 'na Mhac siorruidh Dhé.

C. Ciod bha Mac Dhé 'nuair rinneadh 'na dhuine e? F. Bha e 'na Dhia agus 'na dhuine.

C. Ciod anns am mair Iosa Criod? F. Mairidh e 'na Dhia agus 'na dhuine.

C. Ciod tha Criod bharrachd air dha bhi 'na dhuine? F. Tha e 'na Dhia.

C. Ciod tha Criod bharrachd air dha bhi 'na Dhia? F. Tha e 'na dhuine.

C. Cia lion nàdur tha aig Criod? F. Tha dà nàdur aige, nadur Dhé agus nàdur an duine.

C. Ciod tha air a ràdh mu dhà nàdur Iosa Criod? F. Gu bheil iad eadar-dhealaichte.

C. Ciod tha eadar-dhealaichte. F. Nàdur na diadhachd agus nàdur na daonnachd aig Criod.

C. Cia lion pearsa tha aig Criod? F. Cha'n'eil ach a h-aon.

C. Cia fhada mhaireas Criod ann an dà

# Am Fear-saoraidh

nàdur eadar-dhealaichte, ach 'na aon phearsa?  
*F.* Mairidh gu siorruidh.

*C.* Co aig tha dà nàdur ach aon phearsa?  
*F.* Aig Iosa Criosd.

## *Roinnean.*

1. Pearsa. 2. Buadhan. 3. Oifigean.

### *Pearsa Criosd.*

*C.* Cia lion nàdur tha aig Criosd? *F.* Dà nàdur; nàdur na Diadhachd agus nàdur na daonnachd. Dearbh gur Dia agus duine e—Eoin i. 1, 14; 1 Tim. iii. 16; Eabh. i. 8.

*C.* An robh pearsa eadar-dhealaichte aig nàdur na Diadhachd bho shìorruidheachd? *F.* Bha, mar chithear: (1) Ann am briathran sàcramaid a' Bhaistidh, Mata xxviii. 19. (2) Anns a' Bheannachd, 2 Cor. xiii. 14. (3) Tha buadhan phearsanta an Triùir 'san Diadhachd a' dearbhadh am Pearsachan. Ghin an t-Athair am Mac. Tha am Mac air ghintinn bho shìorruidheachd bho'n Athair. Tha an Spiorad a' teachd bho'n Athair agus bho'n Mhac. (4) Tha gniomhan eadar-dhealaichte na Diadhachd' ann an obair na saorsa, mar an ceudna, a' dearbhadh pearsa dha gach aon. Dhealbhaich, no dh' òrduich, an t-

## Am Fear-saoraidh

Athair i; choisinn am Mac a beannachdan; tha an Spiorad 'gan co-chur.

C. An uair a rinneadh Criosd 'na dhuine an do ghabh e thuige féin pearsa eadar-dhealaichte mar dhuine? F. Cha do ghabh.

C. Ciod e an t-eadar-dhealachadh tha eadar nàdur daonna agus pearsa daonna? F. Tha bith nàduir a mhàin ann am pearsa, ach tha pearsa ann am bith ann féin a mhàin.

C. Cionnus tha nàdur an duine aig Criosd gun phearsa an duine bhi aige? F. Tha, do bhrigh nach robh bith riamh aig nàdur na daonnachd ann féin, ach bha e aig a dhealbh air a ghabhail ann am pearsa na diadhachd, anns a bheil a mhàin seasamh aig an nàdur so.

C. Nach eil nàdur daonnachd Chriosd, as aonais a phearsa shònraichte, air a dheanamh na's neo-fhoirfe, na nàdur daonna ann an daoine eile? F. Cha'n'eil, ach an aghaidh sin, 'sann tha e air àrdachadh gu mòr, do bhrigh gu bheil àite a' phearsa thalmhaidh air a ghabhail le pearsa nèimhidh—Isai. vii. 14, ix. 6; Eoin i. 14.

C. An aon phearsa cheudna tha Criosd as a bha e bho shiorruidheachd? F. Seadh, ged tha

## Am Fear-saoraidh

nàdur daonna cho aonaichte ris a phearsa sin, tha an dà nàdur ann an aon phearsa, agus is e phearsa so, pearsa ghlòirmhor Mhic Dhé.

*C.* A bheil an dà nàdur measgaichte ann an Criosd? *F.* Cha'n'eil; tha iad eadar-dhealaichte.

*C.* Ciod tha air a' chiallachadh le iad a bhi eadar-dhealaichte? *F.* Gu bheil aig gach aon diùbh fhathast am priomh bhuadhan.

*C.* An d' rinneadh nàdur diadhachd Chriosd, air dha bhi aonaichte ri nadur daonnachd, criochnach, eisimeileach, no buailteach do fhublangas? *F.* Cha d' rinneadh.

*C.* An d' rinneadh nàdur daonnachd Chriosd, air dha bhi air àrdachadh chum aonaidh ri dhiadhachd, neo-chriochnach, uile-chumhachdach, uile-fhiosrach, uile-làthaireach? *F.* Cha d' rinneadh; oir na'm b' fhior sin dh' fhaodadh creutair a bhi 'na Dhia.

*C.* C'arson theirear ri dha nàdur, dà nàdur eadar-dhealaichte? *F.* An aghaidh mearachd Eutaichis 'san choigeamh linn, a thuirt gu robh an dà nàdur measgaichte agus 'na aon nàdur.

*C.* C'arson theirear gu bheil aon phearsa aige? *F.* An aghaidh mearachd Nestoiriuis'san choigeamh

## Am Fear-saoraidh

linn, a thuirt gu'm bu phearsa gach aon de'n dà nàduir, agus air an aobhar sin gu robh dà phearsa aige.

C. Ciod e an dearbhadh tha air gu'n robh an dà nàdur 'na aon phearsa? F. Ann an Isaiah ix. 6, tha e air a' chur sios mu'n aon phearsa gur e duine-cloinne a rugadh dhuinne, am mac a thugadh dhuinne—an duine-cloinne a rugadh a thaobh a nàdur daonnachd agus am mac a thugadh a thaobh a nàdur diadhachd.

C. Am bi an t-aonadh eadar an dà nadur air a bhriseadh gu bràth? F. Cha bhi.

C. Nach do sgar am bàs bho chéile iad? F. Cha do sgar; sgar am bàs car tamuill a chorp agus anam bho chéile, ach cha do dhealaich a dhà nàdur ri chéile 'sa' bhàs (is samhla air so duine is gréim aige air claidheamh 'na thruaill).

C. A bheil gach nàdur, gidheadh an t-aonadh so, fhathast an sealbh air a phriomh bhuadhan féin? F. Tha, cha'n'eil nàdur diadhachd air a' dheanamh criochnach, ni mò tha nàdur daonnachd air a' dheanamh neo-chriochnach.

C. A bheil gnìomharan gach nàdur fa leth gu bhi air an cur á leth Pearsa Chriosd? F. Tha, do

## Am Fear-saoraidh

bhrigh na do fhuiling e, agus na do rinn e, agus na tha e a' deanamh mar eadar-mheadhonair gur gniomharan iad a dh' fheumas a bhi air an gabhall mar ghniomharan pearsanta; an ni a tha toirt dhaibh an luach agus an éifeachd, Gniomh. xx. 28.

C. Ciod e an t-eadar-dhealachadh tha eadar aonadh an dà nàdur ann am Pearsa Chriosd agus aonadh nam pearsachan 'san Trianaid? F. Ann am pearsa Chriosd tha aonadh dà nadur ann an aon phearsa; anns an Trianaid tha aonadh thrì pearsachan ann an aon nàdur agus is ionnan e.

C. C'arson a b' éiginn da a bhi 'na dhuine chum 's gu'm biodh e 'na shlànuighear? F. (1) Chum 's gu'm biodh e 'na fhear-saoraidh aig am biodh còir saorsa. (2) Chum gu'm biodh e comasach air fulangas a ghiùlan agus ùmhlachd a thoirt. (3) Chum gu'm fulaingeadh an nàdur a pheacaich, agus gu'm biodh urram air a chur air an lagh anns an nàdur anns an do bhriseadh e.

C. C'arson a b' éiginn da a bhi 'na Dhia chum 's gu'm biodh e 'na shlànuighear? F. (1) Chum 's gu'm biodh luach neo-chriochnach a' coinneachadh ri droch thoillteannas neo-chriochnach peacaidh, aig 'umhlachd agus 'fhlangas 'nar nàdur. (2) Chum 's gu'm biodh Sàtan air a chlaoidh.

## Am Fear-saoraidh

C. C'arson a b'éiginn da a bhi 'na Dhia 'sna dhuine ann an aon phearsa chum 's gu'm biodh e 'na shlànuighear? (1) Chum gu'm faodadh Dia gabhail ri gniomhairean sònraichte gach aoin nàduir, agus gu'm faodadh sinne earbs' asda mar ghniomharan pearsa iomlan an Dia-duine. (2) Chum 's gu'm biodh e 'na eadar-mheadhonair foirfe eadar Dia agus duine; gu'm biodh e an dlùth dhaimh ri Dia agus 'na fhear-daimh dhuinne—Gniomh. xx. 28; 1 Eoin i. 7. (3) Chum 's gu'm biodh leas an dà bhiudhinn air a chùram—Dia feargach agus duine ciontach—agus gu'n deanadh e na b'éiginn a bhi deanta mu's biodh an réite ann. (4) Chum 's gu'n coisneadh agus gu'm biodh e a' co-chur na saorsa. (5) Chum ge b'e air bith dreuchd 'sa bheil e dha shluagh—co-dhiùbh is sagart, faidh, no righ e—gu'm biodh e comasach air a' coimhlionadh.

C. An d' thàinig crioch air e bhi 'na Dhia 'nuair a rinneadh e 'na dhuine? F. Cha d' thàinig; ach rinneadh 'na Immanuel e; Dia maille ruinn, 's cha'n ann 'nar n-aghaidh.

C. An d' thàinig an t-atharrachadh a bu lugha air mar Dhia 'nuair rinneadh e 'na dhuine? F. Cha d' thàinig, aon chuid an luach no am pearsa.

C. Ciod a għluais e gu bhi 'na dhuine? F. A

# Am Fear-saoraidh

ghràdh do pheacaich chaillte, agus eud airson glòire Dhé 'nan teàrnadh, i Eoin iv. 10.

C. Am b' iongantas e gu'n d' rinneadh 'na dhuine e? F. B' eadh, gun amharus; b'e iongantas (1) gràidh, (2) gliocais, (3) cumhachd, agus (4) dilseachd a bu mhò a chunnaic, no chuala an saoghal riamh, i Tim. iii. 16.

C. Ciod i an dàimh shònraichte anns a bheil Criod anns an Trianaid? F. A bhi 'na Mhac siorruidh Dhé.

C. A bheil cuid sam bith eile aig Dia de'n goirear a mhic ach Criod? F. Tha; is mic na fior-chreidmhich uile.

C. Ciod anns a bheil am macachd eadar-dhealaichte bho mhacachd Chriosd? F. Is e Criod Mac siorruidh agus nàdurra Dhé, no mac a thaobh nàduir. Thig creidmhich a mhàin gu bhi 'nam mic do Dhia ann an tim, agus le gniomh a shaoir-ghràis.

C. Cionnus tha creidmhich 'nam mic do Dhia? F. Tre an ath-ghineamhuinn agus uchd-mhacachd.

C. Cionnus tha Criod 'na mhac do Dhia? F. Tre ghineamhuinn éiginneach, nàdurra, agus

## Am Fear-saoraidh

siorruidh, agus do bhrigh so abrar ris, aon ghin mic,  
Eoin i. 14, iii. 16.

C. Co-dhiùbh tha Criod 'na mhac Dhé a thaobh nàduir, no thaobh oifig? F. Is e mac siorruidh Dhé a thaobh nàduir; tha mhacachd cho co-ionnan éiginneach agus nàdurra ri athaireachd an Athar, "Mise agus an t-Athair is aon sinn," agus Mata xxviii. 19.

C. C'arson nach fhaod sinn a ràdh gur e Criod mac Dhé air bonn oifig eadar-mheadhonair-eachd, agus àrdachaidh? F. Do bhrigh, a réir sin, gu'm biodh sinn a' crochadh macachd agus pearsa Chriod air toil an Athar mar tha oifig na h-eadar-mheadhonaireachd.

C. A bheil Criod a' cur eadar-dhealachadh eadar a mhacachd agus eadar-mheadhonaireachd? F. Tha; oir tha e ag ràdh, "tha mi uaithe-san" (.i. uaith an Athair le ginealachd siorruidh) agus "chuir e mi" (.i. a thaobh oifig), Eoin vii. 29.

### 2. *Ainmean agus buadhan Chriod.*

C. Ciòd iad na h-ainmean leis a bheil Criod aithnichte ann an so? F. An Tighearn Iosa Criod.

C. C'arson a theirear an Tighearn ris? F. (1) Do bhrigh mar Dhia gu bheil e àrd thar na

# Am Fear-saoraidh

talmhainn uile. (2) Mar eadar-mheadhonair gu'n d' thugadh dha na h-uile cumhachd air nèimh agus air talamh, Mata xxviii. 18.

C. C'arson a theirear Iosa ris? F. A chionn gu'n saor e a shluagh uile o'm peacaidhean, Mata i. 21.

C. Ciod tha anns a' pheacadh agus co-cheangailte ris bho an saor e iad? F. Tha a chiont, a chumhachd, a thruaillidheachd agus a bhith.

C. Co leis tha e saoradh bho'n pheacadh? F. Le fhuil.

C. Co ann tha e saoradh bho'n pheacadh? F. Ann an aonadh ris féin; "anns a bheil againne saorsa tre fhuil-san."

C. C'arson theirear Criod ris? F. A chionn gur e aon ungta an Tighearna.

C. Co bha air an ungadh fo lagh nan deas-ghnàthan? F. Bha (1) righrean mar Daibhidh, 1 Sam. xvi. 12. (2) Sagartan, Ecsod. xxix. 5-7. (3) Faidhean mar Elisa le Elias, 1 Righ. xix. 16.

C. Ciod bha air a shamhlachadh, air a chiallachadh leis, no air fhilleadh anns an ungadh? F. (1) Bha a bhi comharrachadh gu oifig an neach a bha air ungadh; bu chomharradh e gu'm b'e so

# Am Fear-saoraidh

an neach a ghairm Dia chum na h-oibre. (2) Buileachadh air an neach a dh' ungadh comasan éiginneach dha dhreuchd.

C. Co dh'ung Criosd? F. "Dh'ung an Tighearn mi," Isaiah lxi. 1, eadhon Iehobhah an t-Athair. Bha e féin 'na Dhia 'sna dhuine. Mar Dhia cha ghabhadh nì sam bith a chur ris, ach mar dhuine dh' fheumadh feartan gun choimeas a bhi air am buileachadh air chum a dhreuchd.

C. Co leis a dh'ung an Tighearn e? F. Dh'ung leis an Spiorad Naomh, Isaiah lxi. 1.

C. Ciod iad gniomharan an Spioraid Naoimh a thaobh nàduir daonnachd Chriosd 'na ghintinn, 'na bheatha, 'sna aiseirigh? F. (1) 'Na ghintinn, a dhealbhadh mìorbhuleach am broinn na h-Oighe. (2) Aig momaint deilbh nàduir daonnachd Chriosd bha e air a naomhachadh agus air a lionadh le gràs leis an Spiorad—agus gabhaidh spiorad an Tighearna tàmh air—spiorad a' ghliocais, Isaiah lxi. 1, ionnus gu'n robh e naomh o ghineadh e an nì naomh sin air a lionadh gu tur le foirfeachd gràis agus gliocais, Eoin iii. 34. (3) Tha an Spiorad a' deanamh na h-oibre feedh a bheatha, air dha a bunait a' leagail an uair a ghineadh e, oir thàinig Criosd air aghaidh ann an gliocas agus am

# Am Fear-saoraidh

meudachd; mar dh' fhàs a chorp is ionnan chaidh anam air aghaidh ann an gràs; mar a mheudaich buadhan anama an sin lion an Spiorad Naomh iad le gràs airson gniombh-ùmhachd.

(4) Is ann tre an Spiorad a rinn e a mhìorbhuilean, Mata xii. 26. (5) Is iad gràsan an Spioraid a dhealraich 'na ghniomharan a rinn taitneach iad.

(6) Is ann leis an Spiorad bha e air a' threòireachadh agus 's e bu taic dha 'na obair. (7) Is ann leis an Spiorad bha a chorp agus anam air an ath-aonadh aig an aiseirigh, oir bha e air a chur gu bàs anns an fheòil, ach air a bheothachadh tre an Spiorad, i Pead. iii. 18.

C. Cionnus bha an Spiorad air Criod? F. (1) Bha ann a' seadh àraidh os ceann a chompanach, Salm xlvi. 7. (2) Bha lànachd an Spioraid air 's cha b'e cuibhrionn. (3) Bha an Spiorad air a ghnàth; dh' analaich an Spiorad air na faidhean air uairean, agus air uairean cha d'analail e; ach air Criod bha e ghnàth suidhichte agus a' gabhail còmhnuidh. (4) Bha Spiorad air Criod, mar lànachd tobair, gu bhi a' sruthadh bhuaithe.

C. Ciod an tomhas anns an do dh'ungadh e?

F. Dh'ungadh e thar tomhais, Eoin iii. 34.

C. C'uin a dh'ungadh e? F. (1) Bho shiorr-

# Am Fear-saoraidh

uidheachd bha e air a' runachadh ann an comhairle Dhé chum 'oibre. (2) 'Nuair a ghineadh agus a dhealbhadh e ann am broinn na h-Oighe bha bith agus cinnteachd gràis air an toirt dha. (3) Aig a' bhaisteadh, thuirling an Spiorad air 'na lànachd, gu sònraichte gu uidheamachadh chum cur an gniomh oifigean teàrnaidh, agus bu shamhla air so an columnan a laigh air.

C. Ciod bha aig a' bhi 'ga ungadh 'san amharc? F. Bha (1) uidheamachadh airson' obair dh' ionnsuidh an do ghairmeadh e gu bhi a' cur an gniomh oifigean mar eadar-mheadhonair. (2) Gu bhi a' tiodhlacadh a ghràis d'a shluagh.

C. Ciad e a rinn' obair luachmhor? F. Rinn inbhe a phearsa.

C. Ciad e a rinn an obair sopriseil agus taitneach? F. Na gràsan a dhealraich innse, an lorg ungaidh.

## 3. *Oifig Chriosd.*

C. Ciad i an oifig anns an robh e, a réir na ceiste? F. Oifig fear-saoraidh.

C. An robh feum aig an duine air eadar-mheadhonair ann an staid a neochiontais? F. Cha robh, do bhrigh gu'm faodadh e teachd dlùth do Dhia air bonn a neochiontais.

## Am Fear-saoraidh

C. Ciod e a b' aobhar gu'm b'éiginn eadar-mheadhonair a bhi ann? F. B' aobhar e gu'n robh an duine ann an daorsa fo'n lagh mar chùmhnant, agus ann an daorsa aig peacadh agus Sàtan.

C. Cia lion fear-saoraidh tha aig daoine taghta Dhé? F. A h-aon a mhàin.

C. Dearbh nach 'eil ann ach a h-aon a mhàin. F. "Oir is aon Dia a ta ann, agus aon eadar-mheadhonair," i Tim. ii. 5; "agus cha'n'eil slàinte ann an neach air bith eile," Gniomh. iv. 12.

C. Ciod i an dòigh, agus cionnus tha Criod a' saoradh a shluagh taghta bho dhaorsa? F. (1) Tha e 'gan saoradh bho'n lagh, mar chùmhnant, le luach; cha do shaoradh sibh le airgiod agus òr, ach le fuil luachmhòr Chriosd—i Pead. 18, 19; Isaiah xlix. 25. (2) Tha e 'gan saoradh bho dhaorsa peacaidh agus Shàtain, le cumhachd. Bhrùth e ceann na nathrach; bheir e buaidh air an duine làidir fo armaibh.

C. Ciod iad na nithean a dh' uidheamaich e gu bhi 'na fhear-saoraidh? F. (1) E a bhi 'san fheòil. (2) E a bhi air ungadh. (3) A' h-uile cumhachd a bhi air a thoirt dha.

# Am Fear-saoraidh

C. Am b'urrainn da a bhi 'na fhear-saoraidh mar Dia a mhàin? F. Cha b'urrainn; dh'fheumadh e a bhi 'na Dhia agus 'na dhuine ann an aon phearsa.

C. C'arson? F. Feumaidh e a bhi 'na dhuine chum gu'n toir e ùmhlachd agus gu fulang, agus 'na Dhia chum luach a chur r'a obair.

*Na nithean a bu chòir dhuinn fhòglum.*

1. Mòrachd gràidh Dhé do pheacaich, a chionn nach deanadh an teàrnadh, ach Dia 'nar nàdur.

2. Luach an anama nach b'urrainn a bhi air a' theàrnadh le luach na bu lugha na fuil mhic shìorruidh Dhé.

3. Gu bheil aonadh nan creidmheach ri Criod maireannach, do bhrigh gu bheil aonadh a dhà nàdur-san buan-mhaireannach, agus, air an aobhar sin is comhfhurstachd mhòr so.

4. Gu'n sgriosar gu sìorruidh na h-uile tha fad as bho Chriosd, ma gheibh iad bàs gun chòir ann.

5. Gu bheil creideamh ann an Criod do-sheachainte feumail, oir, air dha a bhi nis air àrdachadh, is ann a mhàin le creideamh a chitheare.

# A' GHAIMR ÉIFEACHDACH

CEIST. *Ciod i a' ghairm éifeachdach?*

FREAGRADH. 'Si a' ghairm éifeachdach, obair Spioraid Dé leis a bheil e dearbhadh oirnne ar peacaidh agus ar truaighe; a' soillseachadh ar n-inntinn le eòlas air Criod; ag ath-nuadhachadh ar toile; agus an lorg sin 'gar deanamh deònach agus comasach air Iosa Criod a dhlùth-ghabhail thugainn, mar a ta e air a' thairgseadh dhuinn gu saor anns an t-soisgeul.

*Ceasnachadh.*

C. Có choisinn saorsa? F. Choisinn Criod.

C. Cionnus tha duine air a' dheanamh 'na fhear-compairt de'n t-saorsa so? F. Le i bhi air a' cur ris gu éifeachdach leis an Spiorad Naomh.

C. Cionnus tha'n Spiorad a' cur ruinne na saorsa? F. Le bhi ag aonadh a' pheacaich ri Criod.

C. C'arson tha'n Spiorad ag aonadh a' pheacaich

## A' Ghairm Éifeachdach

ri Criod? *F.* Chum, ann an Criod gu'm faigh e saorsa.

*C.* Ciad i an obair anns a bheil am peacach aonaichte ri Criod? *F.* Ann an obar na gairm éifeachdaich—1 Cor. i. 9; 2 Tim. i. 9.

*C.* Ciad theirear ris a' ghairm éifeachdach? *F.* Obair.

*C.* Cò d'am buin an obair? *F.* D'an Spiorad Naomh.

*C.* Cia lion ceum tha 'sa' ghairm éifeachdaich? *F.* Tha còig ceuman.

*C.* Ciad e a' cheud cheum? *F.* Dearbhadh oirnne ar peacaidhean agus ar truaighe. (1) Cò dhearbas oirnne ar peacaidhean agus ar truaighe? An Spiorad Naomh. (2) Ciad tha air a' dhearbhadh air a' pheacach anns a' ghairm éifeachdaich? Araon peacadh agus truaighe. (3) Cò air tha so air a dhearbhadh? Air a chogais.

*C.* Ciad e an dara ceum 'sa' ghairm éifeachdaich? *F.* A' soillseachadh ar n-inntinn le eòlas air Criod. (1) Cò leis tha 'n Spiorad a' soillseachadh ar n-inntinn? Le eòlas air Criod. (2) Ciad tha air a' shoillseachadh 'sa' ghairm éifeachdaich? An inntinn.

## A' Ghairm Éifeachdach

C. Ciod e an treas ceum 'sa' ghairm éifeachdaich?  
F. Ath-nuadhachadh ar toile. (1) Cò dh' ath-nuadhaicheas an toile? An Spiorad Naomh. (2) Ciod tha air ath-nuadhachadh 'sa' ghairm éifeachdaich? An toile. (3) Ciod tha air a' dheanamh ris an toile 'sa' ghairm éifeachdaich? Tha i air a h-ath-nuadhachadh.

C. Ciod e an ceathramh ceum 'sa' ghairm éifeachdach? F. Ar deanamh deònach dlùth-ghabhail ri Criod. (1) Cò tha sinn deònach a dhlùth-ghabhail thugainn 'sa' ghairm éifeachdach? Iosa Chriosd. (2) Cò nì deònach sinn? An Spiorad Naomh.

C. Ciod e an coigeamh ceum 'sa' ghairm éifeachdach? F. Ar deanamh comasach air Criod a dhlùth-ghabhail thugainn. (1) Ciod tha am peacach comasach air a' dheanamh 'sa' ghairm éifeachdaich? Air Criod dhlùth-ghabhail thuige. (2) Co nì am peacach comasach? An Spiorad Naomh.

C. Ciod tha air a' chiallachadh le dearbhadh peacaidh oirnne? F. Mothachduinn a thoirt dhuinn air, agus a dheanamh làn-dearbhta dhuinn, agus toirt gach uile amharus d'a thaobh as ar n-inntinn.

# A' Ghairm Éifeachdach

C. Ciod tha air a' chiallachadh le soillseachadh?

F. A dheanamh aithnichte dhuinn, no g'ar teagasg.

C. Ciod tha air a chiallachadh le ath-nuadhachadh ar toile? F. A dheanamh atharrachadh gràsmhor, cridhe nuadh, cruthachadh nuadh.

C. Ciod e ar deanamh deònach? F. A dh' aomadh ar cridhe.

C. Ciod e ar deanamh comasach? F. A thoirt neart agus cumhachd dhuinn.

C. Ciod e dlùth-ghabhail? F. A ghabhail, ghreimeachadh, làn-earbsa ann.

C. Cò ann tha Criod air a' thairgseadh? F. Anns an t-soisgeul.

C. Ciod e an soisgeul? F. Naidheachd mhòir-aoibhneis na slàinte air a deanamh aithnichte 'sa' Bhiobull.

C. Cò dha tha Criod air a' thairgseadh 'san t-soisgeul. F. Dhuinne; dha na h-uile.

C. Ciod e 'n seadh 's a bheil Criod air a' thairgseadh dhuinn 'san t-soisgeul. F. Tha e air a thairgseadh gu saor; gu h-iomlan.

## Roinnean.

1. A' ghairm.
2. Rùn.
3. Obair éiginneach.
4. A toradh.
5. A feum.
6. A h-àm.

# A' Ghairm Éifeachdach

I. *A' ghairm féin.*

C. Cia lion fillte tha a' ghairm? F. Tha i dà fhillte, i. coitchionn agus àraidh.

C. Ciod i a' ghairm choitchionn? F. Is i cuireadh saor an t-soisgeil do na h-uile a chluinneas e gabhail ri Criod agus slàinte trid-san—Isai. lv. 1; Taisb. xxii. 17.

C. Ciod e ami meadhon leis a bheil a' ghairm choitchionn air a toirt? F. Leis an fhocal.

C. A bheil na h-uile tha 'ga cluinntinn a' toirt ùmhachd dhi? F. Cha'n'eil; oir tha mòran air an gairm, ach beagan air an taghadh, i.e. a' rùnachadh dùnadadh rithe, Mata xxii. 14.

C. Ciod i a' ghairm àraidh? F. Is i a' ghairm àraidh an Spiorad a bhi companachadh na gairme coitchionn le cumhachd agus le éifeachd air an anam: "Is e an Spiorad a bheothaicheas," Eoin vi. 63.

C. Ciod i dhiùbh so a tha éifeachdach chum peacaich a thoirt gu Criod? F. Is i a' ghairm àraidh leis an Spiorad.

C. Co bhuaithe agus co thuige, no co as agus c'aite a bheil iad air an gairm? F. (1) A dorchadas chum soluis, i Phead. ii. 9. Tha iad

# A' Ghairm Éifeachdach

a thaobh nàduir ann an dorchadas a thaobh Dhé, a mhòralachd, fhoirfeachd, rùintean, 'laghanan, shlighean agus a ghlòir; d'an taobh féin tha iad 'nan dorchadas mu luach an anama, mu olcas am peacaidhean, mu 'n truaighe féin, mu ghiorrat tìm agus mu neo-chriochnachd na siorruidheachd; a thaobh Chriosd tha iad 'nan dorchadas mu a phearsa, oifigean, a chliù, a shlàinte; agus a thaobh an Spioraid, a' Bhiobuill agus na siorruidheachd. Ach leis a' ghairm éifeachdaich thàinig solus thuca air nan nithean sin.

(2) Bho dhaorsa gu saorsa; ghairmeadh chum saorsa sibh, Gal. v. 13; thaobh nàduir tha iad 'nan trailllean.

(3) Bho co-chomunn ri peacadh, ris an t-saoghal, ri sluagh saoghalta gu co-chomunn ri Criosd, i Cor. i. 9. Is e tha innte gairm gu tréigsinn prionnsapalan, toil-innteanan, diomhanasan, dòighean, agus muinntir shaoghalta mar a rinn Abraham, Gen. xxii., gu co-chomunn ris an Athair, ris a' Mhac agus ris an Spiorad.

(4) Bho cheannairec gu sìth; bho cheannairec an aghaidh Dhé gu sìth ri Dia.

(5) Bho pheacadh gu naomhachd agus fireantachd, i Thess. iv. 7.

(6) Bho 'n t-saoghal a tha na laighe ann an olc gu Iosa.

(7) Bho thruaighe gu sonas.

(8) Bho bhàs gu beatha.

C. Ciod iad aobharan na gairme? F. (1) Is e

# A' Ghairm Éifeachdach

an ceann-fàth ro shonruichte an Trionaid—  
1 Thess. ii. 12; 2 Tim. i. 9. (2) An t-aobhar gluasaid: cha'n e buadhan no claon-bhàighean no deagh-ghniomharan no saor-thoil dhaoine ach toil àrd-uachdaranais Dhé agus a rùn—Rom. viii. 28; 2 Tim. i. 9. (3) An t-aobhar gniomhach; facal Dhé, Rom. x. 17. Tha Criosd 'na sheasamh anns an fhocal agus a' bualadh aig cridhe pheac-aich airson aoidheachd, Taisb. iii. (4) An t-aobhar deireannach. (1) Is e an t-aobhar iochdarach teàrnadh a pheacaich. (2) Is e an t-aobhar uachdarach glòir Dhé.

C. Co iad na cuspairean a tha air an gairm gu éifeachdach? F. (1) Cha'n iad deamhain. (2) Is iad daoine, Gnath-fh. viii. 4. Is iad cuid de dhaoine; tha iad air an taghadh, air an saoradh; cha tric is uasal iad.

C. Ciod iad a buadhan? F. (1) Tha i éifeachdach, Ephes. i. 18-20. (2) Tha i naomh. Tha a h-ùghdair, am meadhon, a nàdur agus a crioch naomh, 2 Tim. i. 19. (3) Tha i àrd. Is e a h-ùghdair an Ti-àrd agus urramach. Ardaichidh i gu staid inbheach, Phil. iii. 14. (4) Tha i nèimhidh; tha iad a sìreadh dùthaich nèimhidh, Eabh. iii. 1.

C. Co bhuidhe tha a h-éigin ag éirigh? F.

# A' Ghairm Éifeachdach

Tha iad fad as, thaobh staid agus nàduir, a tha air an gairm, agus air an aobhar sin tha iad air an gairm a theachd am fagaitsg. (2) Tha iad 'nan cadal agus air an gairm gu mosgladh. (3) Cha'n aithne dhaibh c'àite an d' théid iad 'nuair tha iad air an dùsgadh agus do bhrìgh sin tha iad air an gairm gu Criod. (4) Cha ghabh iad orra dol gu Dia gus am bith iad air an gairm thuige ann an Criod. Is iad so na nithean a tha deanamh na gairme éiginneach.

## 2. *Rùn na gairme.*

C. Cò d'an obair a' ghairm-éifeachdach? F. Cha'n obair duine i ach obair an Spioraid Naoimh.

C. Ciod e rùn an Spioraid 'san obair so? F. Is e rùn an Spioraid am peacach dheanamh deònach agus comasach air Criod dhlùth-ghabhail thuige—'se sin, am peacach aonadh ri Criod.

C. C'àite am faighear Criod chum 's gu'm bi am peacach air aonadh ris? F. Anns an t-soisgeul, Rom. x. 6-9.

C. Ciod e an soisgeul? F. Deagh sgeula agus sgéula mhòr-aoibhneis ann an Criod do'n mhuinntir chaillte, Luc. ii. 10, air an d'rinn na h-ainglean iomradh.

# A' Ghairm Éifeachdach

C. Cionnus tha Criod air a thairgse anns an t-soisgeul. F. Gu h-iomlan. (1) Na uile phearsa, oifigean, a dhaimhean, fhìreantachd agus abheannachdan. (2) Gu saor—gun airiod no gun luach. Cha'n eil ni air bith air iaraidh air a pheacach bhochd gu còir thoirt dha air an tairgse. (3) Gu dùrachdach. Tha gach pearsa dhe 'n Trionaid le argumaidean ro-chumhachdach a' guidhe, ag aslachadh agus ag òrduchadh dhuinn Criod dhlùth-ghabhail thugainn—Isai. lv. 1-13; Taisb. xxii.

C. Cò d'a bheil e air a thairgse anns an t-soisgeul. F. Do pheacaich.

C. Ciod e an suidheachadh anns a bheil iad fa chomhair na gairme? Cha'n eil mar mhuinntir thaghte no mar mhuinntir shaorta ach mar pheacaich chaillte.

C. Ciod an t-ùghdarris leis a bheil e air a thairgse anns an t-soisgeul? F. Cha'n ann le ùghdarris duine ach le ughdarris Dhé.

C. C'arson tha e air a thairgse anns an t-soisgeul? F. Cha'n ann chum bhi air a dhiultadh ach gu bhi air a ghabhail.

C. Ciod e am barant a th'aig peacach anns an

# A' Ghairm Éifeachdach

t-soisgeul gus a ghabhail agus dlùth-leantuinn ris?

F. (1) Tha gur tiodhlac an Athair e, Eoin iii. 16.

(2) Criosd a bhi 'ga thabhairt feín dha, Isai. xlvi. 22.

C. A bheil aomadh no cumhachd anns a' pheacach dhe fhéin gu Criosd dhlùth-ghabhail thuige mar tha e air a thraigse anns an t-soisgeul.  
F. Cha'n'eil, or tha e marbh gu spioradail agus ann an gràdh do'n pheacadh. Tha gràdh a pheacaidh ann gu ro-chumhachdach.

C. An e 'eu-toil agus 'eu-comas air Criosd a dhluth-ghabhail thuige a pheacadh? F. Is e; oir is e so an diteadh gu'n d' thainig an solus do'n t-saoghal, Eoin iii. 19.

C. Am feum atharrachadh a thiginn air a' pheacach mus freagair e gairm an t-soisgeil no mus dlùth-ghabh e Criosd thuige? F. Feumaidh.

C. Cò nì an t-atharrachadh? F. Cha'n e am peacach féin a ni e ach an Spiorad naomh. Cha'n ann le neart no le cumhachd.

3. *An obair a tha feumail chum an atharrachaidh dheanamh.*

C. Cionnus tha an Spiorad a deanamh a' pheacaich umhail do'n ghairm no 'ga dheanamh deònach agus comasach air Criosd dhlùth-ghabhail

# A' Ghairm Éifeachdach

thuige? *F.* (1) Le obair dearbhaidh. (2) Le obair soillseachaidh. (3) Le obair ath-nuadhachaidh.

*C.* Ciod iad de buadhan na h'inntinne air a bheil an Spiorad a' saothaireachadh ann an obair na gairm-éifeachdaich? *F.* Air a choguis. (2) Air an tuigse. (3) Air an toen.

*C.* Ciod i saothair an Spioraid air na buadhan so? *F.* (1) Obair dearbhaidh air a' choguis. (2) Obair soillseachaidh air an inntinn. (3) Obair ath-nuadhachaidh air an toen.

## *Ceangal.*

*C.* Cò do'm buin obair dearbhaidh peacaidh agus truaighe? *F.* Do'n Spiorad Naomh, Eoin xvi. 8.

*C.* Ciod iad na peacaidhean leis an gnàth do dhearbhadh-peacaidh tòiseachadh? *F.* Le peacaidhean o'n leth muigh mar a bha thaobh bean Shamaria, Eoin iv. 29.

*C.* Ciod e am peacadh a tha an Spiorad a' dearbhadh? *F.* Am peacadh gin, am peacadh gniomh, agus am peacadh eas-creidimh, Eoin xvi.

*C.* A bheil eadar-dhealachadh eadar dearbh-shoilearachd mu pheacadh agus dearbhaidhean

# A' Ghairm Éifeachdach

mu pheacadh? *F.* Thà; faodaidh dearbhaidhean a bhi aig neach mu iomadh peacadh agus e fhathast gun dearbh-shoillearrachd mu pheacadh, oir tha am peacadh an aghaidh Dhé.

*C.* Ciod e tha anns a' pheacadh mu bheil an Spiorad a' toirt dearbh-shoillearrachd? *F.* (1) Gu bheil peacadh ann. Na nithean so uile rinneadh leat, Ps. l. 21. (2) Mu olcas a pheacaидh; aithnich, uime sin, agus faic, gur olc an ni, Ier. ii. 19. (3) Mu amaideas a pheacaидh. Rinn thu gu h-amaideach an so, 2 Eachd. xvi. 9. (4) Mu ghràinealachd a' pheacaидh. Cionnus a dh' fhaodas tu' radh cha'n'eil mi salach, Ier. ii. 23. (5) Mu thoradh a pheacaидh. Chur bhur n' euceartan dealachadh eadar sibh féin agus bhur Dia, Isai. lix. 1. (6) Mu mhathair-aobhair a' pheacaидh. Bithidh fios aig gach neach air plàigh a chridhe féin, 1 Righ viii. 38. (7) Mu neart a pheacaидh 1 Rom. vii. 8-13. (8) Mu lionmhiorachd a' pheacaидh. Co thuigeas uile sheachran féin, Ps. xix. 12. (9) Mu antromachd a' pheacaидh agus mothachadh air féin mar chean-feadhna nam peacach. (10) Mu chiont a' pheacaидh a tha ceangal a' pheacaich ris a' mhallachd.

*C.* A bheil an Sgriobtuir a' toirt dearbh-shoillear-

## A' Ghairm Éifeachdach

achadh mu thruaighe cho maith ri peacadh?

F. Tha; tha thu truagh, Taisb. iii. 17.

C. Ciod i an truaighe mu bheil e toirt dearbh-shoilearachadh dha? F. Mu'n truaighe Spioradail anns a bheil e, agus mu'n truaighe shiorruidh do bheil e buailteach, gu'n do chaill e co-chomunn ri Dia; gu bheil e fo fhearg agus fo mhallaichd Dhé anns a 'bheatha so, aig a' bhàs agus tre'n t-siorruidh-eachd, Eph. ii. 12.

C. Ciod e de thruaighe mu bheil e 'ga dearbh-shoilearachadh? F. (1) Mu a cinnteachd; (2) Mu a faguisgeachd; (3) Mu h-uamhas—Gniomh. xvi. 16.

C. Ciod iad na meadhonan leis a bheil e toirt dearbh-shoilearachd mu pheacadh? F. Leis an lagh, Rom. iii. 20.

C. Ciod i a' chuibhrionn de'n lagh? F. Òrdugh an lagha.

C. Cionnus tha e toirt dearbh-shoilearachd leis an lagh? F. Le bhi a 'fosgladh tuisge a 'pheacaich gu mothachadh air Spioradalachd an lagha agus a bhi 'ga chur ri a chaitheamh-beatha agus ri a chomhradh; ri a nàduir no chridhe, mar an t-sreing-riaghailt ri balla a nochdas a mhi-chumadh.

## A' Ghairm Éifeachdach

C. Ciod i a' chuibhrionn de'n lagh leis a bheil e toirt dearbh-shoillearachd dha mu pheacadh a nàduir? F. Le bhi 'cur an deicheadh àithne dhachaidh air; oir cha bhitheadh eòlas agam air peacadh mur abradh an lagh na sanntaich.

C. Ciod iad na meadhonan leis a bheil e 'toirt dearbh-shoillearachadh mu thruaighe? F. Le peanas an lagha; Is malluichte gach neach nach buanaich anns na h-uile nithibh a ta sgriobhta ann an leabhar an lagha chum an deanamh, Gal. iii. 10.

C. Ciod iad toraidhean nan dearbh-shoillearachdan so? F. (1) Agartas coguis: Bha iad air am bioradh 'nan cridhe. (2) Uamhas, Gniomh. xvi. 19. (3) Cùram, Gniomh. ii. 37. (4) An-earbasa ann féin. (5) Nàire.

C. A bheil an aon tomhas de dhearbh-shoillearachd air a thoirt do'n a h-uile? F. Cha'n'eil. Tha cuid a' faotainn tomhas mòr agus cuid na's lugha mar Pòl agus Lydia—Gniomh. ix. 6, xvi. 14.

C. Ciod e an tomhas de dhearbh-shoillearachd leis an lagh a tha feumail? F. (1) A leithid de thomhas 'sa dhearbas orra gu bheil iad thaobh nàduir 'nam peacaich araon 'nan cridhe agus 'nan giulain. (2) Na dhearbas orra gu bheil iad

## A' Ghairm Éifeachdach

caillte agus gu'n deach as dhaibh fo mhallaichd an lagha. (3) Gu bheil so-leigheas thar an comais air dhaibh a' bhi màrbh gu laghail agus gu Spioradail, Rom. vii. 9.

C. An ann gu còir thoirt do'n pheacach air Criod tha dearbh-shoillearachd féumail, no chum uidheamachadh gu creidsinn ann an Criod, no chum a chur ann an staid 'sam bidh e taitneach do Chriosd? F. Cha'n ann.

C. Ciod e an t-aobhar gu bheil dearbh-shoillearachd do-sheachainte féumail? F. Chum 's gu'n tuig am peacach a staid chaillte agus, uime sin, fheum air Criod oir a dh' easbhuidh so gu bràth cha chuir e luach air Criod agus dh' easbhuidh luach a chur air Criod gu bràth cha dhùin e ris. Cha'n ann aig a' mhuinntir a ta slàn a ta feum air an léigh ach aig a' mhuinntir a ta euslàn, Mat. ix. 12.

C. Am faod dearbhaidhean làidir bhi aig duine agus gidheadh, e bhith caillte? F. Faodaidh: Bha leithid so de dhearbhaidhean aig Càin agus aig Iudas gidheadh bha iad, sadheòidh, caillte.

C. Cionnus a dh' fhaodas dearbhaidhean a bhi gu minic, air am mùchadh? F. (1) Le bhi beachdachadh air olcas ar gniomharan agus gun a bhi a'

## A' Ghairm Éifeachdach

beachdachadh air olcas ar staid. (2) Le bhi cur 'nan aghaidh agus le bhi stri 'nan aghaidh. (3) Le bhi 'gan cur bhuatha no 'gam bàthadh ann an cuideachd dhiomhain, Deut. xxix. 19. (4) Le bhi mealadh na coguis le dleasanasan, Gniomh. iv. 25.

C. An dean dearbh-shoillearachd dhe féin am peacach thoirt gu Criod a dhìuth-ghabhail thuige? F. Cha dean.

### *Soillseachadh.*

C. Ciad e thuilleadh air dearbh-shoillearachd tha féumail gu toirt air a pheacach Criod a dhìuth-ghabhail thuige? F. Tha soillseachadh inntinn ann an eòlas air Criod: Oir is e Dia a thubhairt ris an t-solus soillseachadh á dorchadas, 2 Cor. iv. 6.

C. Ciad e an cuispeir a tha an Spiorad a' soillseachadh? F. Inntinn no tuigse a pheacaich oir is iad sin sùil an anama, Eph. i. 18.

C. Ciad i crioch an t-soillseachaidh so? F. Eolas air Iosa Criod, Phil. iii. 8.

C. Ciad e a tha deanamh an t-soillseachaidh so do-sheachainte féumail? F. Thà tiugh-dhorchadas agus aineolas na h-inntinne air nithean Dhé, 1 Cor. ii. 14. Tha féum aice air bhi air a toirt gu

## A' Ghairm Éifeachdach

faicinn nithean an Spioraid gu Spioradail, oir cha thuig an duine nàdurra nithean Spioradail.

C. Co d'am buin e bhi soillseachadh na h-inntinne ann an eòlas air Criod? F. Buinidh do'n Spiorad Naomh, Eph. i. 17.

C. Ciod e ann an Criod air a bheil an Spiorad a' soillseachadh inntinn a' pheacaich? F. (1) Air a phearsa mar an Dia-daoine agus mar fhear-daimh. (2) Air oifigean mar tha iad freagradh r'a choguis, r'a thugse agus r'a thoil. (3) Air fhìreantachd neo-chriochnach foirfe, do-labhait airidh, lagh-àrdachaidh Dhé; gloirmhor agus gu h-iomlan fregarrach ri staid chaillte a' pheacaich. (4) Air a lànachd gràis luachmhor, iomachaidh, agus air a thoirt fagus oirnn ann an Criod 'san t-soisgeul. (5) Air a ghràdh 'na àrd-uachdaranas, 'na shaorsa, 'na mhòrachd, 'na shiorruidheachd 'na neo-chriochnachd agus 'na shaoibhreas. (6) A fhreagairreachd mar tha e ann féin thaobh Dhé agus thaobh an duine. (7) Air a chumhachd agus a thlachd gu teàrnadh.

C. Ciod i gnè an eòlais-tearnaigh so air Criod? F. (1) Tha i 'g irioslachadh a' pheacaich; tha i nochdadhbh a thruaillidheachd dha. (2) Tha i naomhachadh. (3) Tha i a' toirt fàs.

## A' Ghairm Éifeachdach

C. Ciod e am meadhon leis a bheil an Spiorad a' soillseachadh na h-inntinne ann an eòlas air Criod? F. An soisgeul—Rom. i. 16, x. 17; Gniomh. x. 17.

C. Ciod e toradh an t-soillseachaidh so? F. Is e dòchas, Ionah ii. 4. Gidheadh seallaidh mi a ris ri do theampull naomh.

C. An leòir an soillseachadh so dhi féin air a' pheacach dheanamh deònach air Criod a dlùth-ghabhail thuige? F. Cha leòir.

### *Athnuadhachadh.*

C. Ciod e thuilleadh air dearbhadh agus soillseachadh a tha féumail chum toirt air a pheacach Criod dlùth-ghabhail? F. Ath-nuadhachadh na toile.

C. Ciod i de bhudadhan an anama a tha air a h-athnuadhachadh? F. Thà an toile. Bithidh do shluagh ro-thoileach ann an la do chumhachd, Ps. cx. 3.

C. Ciod e a tha 'g éigneachadh so? F. Tha an toile a bhi gu nàdurra fo chumhachd peacaidh agus Shàtain; ceannairceach aii aghaidh Dhé agus an aghaidh Chriod mar fhaidh, shagairt, agus

## A' Ghairm Éifeachdach

Rìgh ag radh cha'n aill leinn eòlas do shlighean ;  
cò an tighearna gu'n éisdinn-sa r'a ghuth ?

C. Ciod i an toil ath-nuadhaichte ? F. Is i (1) an ni aig a bheil fuath ionlan do'n olc agus aomadh ris a ni sin a tha maith no (2) an cridhe nuadh— an cruthachadh nuadh.

C. Co do'm buin a bhi 'g ath-nuadhachadh na toile ? F. Do'n Spiorad.

C. A bheil an Spiorad a' cleachdadh ainnéirt no co-eigneachaidh air an toil 'ga h-athnuadhachadh ? F. Cha'n'eil : ni e ro-thoileach ann an là dhe 'chumhachd a' leagheadh, a' tarruing, a' tàladh.

C. A bheil e ann an comas an duine a thoil atharrachadh no ath-nuadhachadh ? F. Cha'n'eil ; oir am faod an t-Etiopach a chraicionn a mhuthadh no an leopard a bhreice, Ier. xiii. 23.

C. Ciod e am meadhon leis a bheil an Spiorad 'g ath-nuadhachadh na toile ? F. Le bhi a' doirt-eadh gràdh Dhé 'na chridhe, Rom. v. 5, agus, uime sin, le focal na Firinne, a' bhi foillseachadh dha gràdh Dhé ann an Criosd.

C. C'arson tha Dia 'g iarraidh oirnn deanamh dhuinn féin cridhe nuadh agus Spiorad nuadh,

## A' Ghairm Éifeachdach

Ezek. xviii. 31. *F.* (1) Gu nochdadadh dhuinn ar dleasanas. (2) Gu dearbhadh oirnn ar n'eucomais. (3) Gu ar toirt gu iarraidh air Criod an cridhe nuadh a gheall e, Esec. xxxvi. 26.

*C.* Ciod e am feum tha air ath-nuadhachadh na toile chum 's gu'n dlùth-ghabh i ri Criod? *F.* Thà, gu mair an fhuath nàdurra a tha ann an toil an duine do Chriosd 'na uile oifigean gus an tachair so.

*C.* C'èite a bheil a' cheannairec a tha ann an toil a' pheacaich an aghaidh Chriosd agus oifigean a tighinn am fradharc? *F.* (1) Ann am féin-bheachd uamhrach a' pheacaich air a ghliocas féin agus ann e bhi deanamh tàire air meadhonan nan gràs. (2) Ann an earbsa a' pheacaich 'na fhìreantachd féin agus ann a bhi diùltadh umhlachd do chòir Chriosd. (3) Ann am fuath a' pheacaich do naomhachd agus a ghràdh do pheacadh. Mar so tha iad 'ga dhiultadh mar fhaidh, mar shagairt agus mar rìgh agus air an aobhar so féumaidh iad a bhi air an ath-nuadhachadh ann an cridhe agus 'nan toil.

*Buaidh na h-obrach so.*

*C.* Ciod e an toradh a tha obair na gairm-éifeachdaich a' giùlan? *F.* Tha, an toiseach, dùnadh

## A' Ghairm Éifeachdach

ri gairm an t-soisgeil .i. dlùth-ghabhail ri Criosd tre chreidimh agus, mar sin, air do'n pheacach a bhi freagairt na gairme, tha ghairm éifeachdach. Tha am peacach a' tighinn mach as an fhéin, as fhéin-fhireantachd, as fhéin-ghliocas agus as fhéinneirt gu Criosd agus a' dluth-ghabhail ris chum 's gu'm faigh e gliocas, fireantachd agus neart. Is iad na nithean sin rùn na gairme.

C. Ciod e am barantas a tha aige gu Criosd dhlùth-ghabhail thuige? F. Thà Criosd a bhi air a thairgse gu saor 'san t-soisgeul: Ribhse o fhear-aibh tha mi 'g éigheach, Gnath-fh. viii. 4.

C. Cionnus a tha am peacach air a thoirt gu géileadh? F. Tha e air a dheanamh deònach agus comasach gu so a dheanamh.

C. A bheil feum aige bhi air a dheanamh comasach cho maith ri deònach gu so a dheanamh? F. Thà; oir gu nàdurra tha e neo-chomasach agus neo-thoileach. Tha 'eucomas ag éirigh bho chumhachd a' bhàis spioradail fo a bheil e thaobh nàduir agus féumaidh an cumhachd so a bhi air a thoirt air falbh ma's bith e comasach cho maith ri deònach.

C. Co uaithe a tha araon an *cumhachd* agus an *toil* gu gabhail ri Criosd a' teachd. F. Tha a

## A' Ghairm Éifeachdach

mhàin bho'n Tighearna, oir is e Dia a dh' oibricheas annaibh araon an toil agus an gniomh a reir a dheagh-ghean féin, Phil. ii. 13. Is ann bho'n Tighearna tha araon an cumhachd agus an toil a teachd gu deanamh a cheud oidhirp ann an dlùth-ghabhail ri Criosd ionnas mar is ann uaithasan a tha gach oidhirp ann an aghartas beatha na diadhachd.

C. Ciod e cor a' pheacaich a tha air a dhùsgadh agus air a shoillseachadh ma's 'eil e air a dheanamh deònach agus comasach gu Criosd dhlùth-ghabhail thuige? F. Tha e coltach ris an nì a tha ann an greim a ghlamaire nuair tha car air a chuir anns a' bhidhis<sup>1</sup> agus am feadh 'sa tha e 'san suitheachadh so cha'n urrain dha faighinn as a' ghreim a tha air. Is amhuil sin tha am peacach mar air a ghlacadh ann an greim teann a ghlamaire. Air an dara taobh tha ùghdaras àithne Dhé ag àithneadh dhà Criosd a dhlùth-ghabhail thuige; air an taobh eile tha fhaireachdainn air eu-comas agus air eu-toil féin ionnas gu bheil e faireachdainn ùghdarras na h-àithne ag radh "Feumaidh tu dùineadh ri Criosd" ach tha e faireachdainn cheart cho làidir eu-comas agus eu-toil féin ag radh

<sup>1</sup> Screw.

## A' Ghairm Éifeachdach

“ Cha'n urrain dhomh dùnadh ris.” Nis tha a bhi smuaineachadh gur i sgrios shiorruidh crioch eagalach luchd-diultaigh Chriosd 'ga theannachadh mar ann an glamaire le bidhis ionnas nach 'eil cor idir ann cho anabarrach pianntail ri chor san. Cha lasaichear greim a ghlamaire so gu bràth, oir a chaoidh cha'n atharraich Dia am focal a chaidh as a bheul gur e tuarasdal a' pheacaidh am bàs agus cionnus, uime sin, a chuirear saor e. 'Se an aon dòigh air an tachair so gu'n rachadh dara taobh a ghlamaire a lasachadh, agus tha an ni so a' gabhail àite nuair a tha an Spiorad Naomh a' sgaoileadh gràdh Dhé 'na chridhe, Rom. v. 5. Fo bhuaidh a' ghràidh so tha e air a dheanamh toileach agus tha eu-comas féin air a thoirt as an rathad oir bhudadhaich an gràdh so air a' bhàs spioradail. An sin theid e as bho ghreim a ghlamaire anns an robh e air a theann-ghlacadh agus gabhaidh e Chriosd thuige mar shlànuighear ionlan; an sin dùinidh e ri gairm an t-soisgeil oir tha anam a' toirt umhlachd agus freagradh dhi.

### 5. *Eiginn na gairme éifeachdaich.*

C. Am feum neach a bhi air a ghairm gu éifeachdach chum a bhi air a theàrnadh? F. Feumaidh.

# A' Ghairm Éifeachdach

C. Ciod e a tha ag éigneachadh so? *F.* Chi sinn an t-aobhar le bhi beachdachadh air cor agus suidheachadh a' pheacaich thaobh nàduir. (1) Tha e fad as bho Dhia, bho Chriosd agus bho neamh agus air an aobhar sin feumaidh e bhi air a ghairm gu teachd am fagus, oir cha'n fhoghainn chum na crìche so ach a ghairm éifeachdach a mhàin. (2) Tha e 'na throm chodal agus cha'n fhoghainn gu dhùsgadh ach a ghairm éifeachdach a mhàin: Mosgail thusa a tha a' d' chodal, Eph. v. 14. (3) Tha e dall agus aineolach gun fhios cia 'n taobh a thionndaidheas e agus mar sin tha feum aige air a ghairm éifeachdaich gu 'sheòladh dh' ionnsuidh an rothaid. (4) Tha a cheannairc agus a dhìultadh imeachd air an rathad ag éigneachadh gairm éifeachdach gus a dheanamh deònach agus comasach gu gabhail na slighe. (5) Tha e fo eagal agus cha dùraig e oidhир a dheanamh air an t-slighe ghabhail chionn 's gu bheil a chionnt a' geur-amharc air eadar a dha shùil agus tha e gun Dia gun dochas. Is e so an t-aobhar gur éiginn dhà bhi air a ghairm gu éifeachdach chum 's gu'm faic e gu bheil barantas aige teachd gu Dia. (6) Tha e marbh agus, uime sin, cha'n'eil e 'na chomas teachd dh' easbhuidh e bhi air ath-bheothachadh.

# A' Ghairm Éifeachdach

Air an aobhar sin is éiginn dha bhi air a ghairm gu éifeachdach chum 's gu'm bi beatha air a compairteachadh ri anam mairbh-san agus is e an guth a tha anns a' ghairm éifeachdaich a bheothaicheas na mairbh.

Faodaidh a thighinn gu Criod a bhi 'na ni farasda ann am beachd an fhir a tha ann an suain-chodail a' pheacaidh amhuil 's mar tha e farasda do'n fhear a tha 'san trom-laidheimeachd gu neo-sgàthach ach chi e, 'na dhùisg, iomadh cunnart a chuireas eagal air aon cheum a ghabhail air an t-slighe. Mar an ceudna is amhuil a tha iomadh teagamh agus eagal aig an anam a tha air a dhùsgadh agus is mor 'fheum air a' ghairm éifeachdaich araon gu nochdad h dha an t-slighe thearuinnte agus gu beatha chompairteachadh ri anam chum's gu'n toir e umhlachd do'n ghairm

## 6. *Àm na gairme.*

C. Ciod e an t-àm as freagarraiche d'an atharrachadh sin do'm buaidh bhi toirt umhlachd do ghairm an t-soisgeil? F. Is e àm na h-òige.

C. C'arson is e so an t-àm as freagarraiche? F. Do bhrigh (1) aig an àm sin gu bheil cùraman na's teirce agus na's aotroma. (2) Gu bheil na

# A' Ghairm Éifeachdach

h-aignidhean na's blàthha 'san àm so. (3) Gu bheil misneach shonruichte air a ghealltuin dhaibh 'san àm so. (4) Gu bheil e na's fharasda a choguis a dhùsgadh.

C. A bheil misneach air a toirt dhaibh bhi buanachadh ann an diultadh iarraidh Chriosd gu làithean na seann aòis? F. Cha'n'eil, ach calgdhireach an aghaidh so mar tha e sgriobhta "gairmidh iad ormsa ach cha fhreagair mi," Gnath. i. 28.

## *Co-dhuineadh.*

C. Cionnus a bhios fios aig neach air gu bheil e air a ghairm gu h-éifeachdach? F. (1) Bithidh ma tha fuath ionlan aige do'n pheacadh. (2) Ma tha e 'ga mheas agus 'ga fhaireachdainn féin truaillidh fa chomhair Dhé. (3) Ma tha gràdh aige do iomhaigh Dhé agus do gach neach air a bheil i. (4) Ma tha e fàs cosmhuil ri Criod, i Eoin iii 2-3.

C. Ciòd e dleasanais na muinntir sin air an d' ràinig an t-atharrachadh so? F. Thà buidheachas thoirt do Dhia air a shon agus gluasad ann an naomhachd.

C. Ciòd e cor na muinntir a tha 'nan coigrich air so? F. Tha iad truagh gun Dia agus gun dòchas anns an t-saoghal.

## A' Ghairm Éifeachdach

*C.* Ciod e dleasanas na h-uile àir nach d'ràinig an t-atharrachadh so? *F.* Thà (1) a bhi feitheamh gu dichiollach air an Tighearna ann am meadhanan nan gràs ionnas gu'n coinnich an Tighearna riù. chum an atharrachaидh so a dheanamh agus (2) iad a bhi a' glaodhaich gun sgur gu'n saothair-icheadh an Spiorad gu slàinteil orra.

# FIREANACHADH

CEIST. *Ciod e fireanachadh?*

FREAGRADH. *Is e fireanachadh gniomh saor  
ghràis Dhé, anns a bheil e 'maitheadh dhuinn ar  
n-uile pheacaidhean, agus a' gabhail ruinn mar  
fhìreanaibh 'na fhianuis; agus sin a mhàin air  
sgàth fireantachd Chriosd air a meas dhuinn, agus  
air a gabhail thugainn le creidimh a mhàin.*

*Ceasnachadh.*

*C.* Ciod is e fireanachadh, gniomh no obair?  
*F.* Is gniomh e.

*C.* Ciod e gniomh? *F.* Aon obair iomlan:

*C.* Cò d'an gniomh e? *F.* Is gniomh Dhé e.

*C.* Ciod e scòrsa gniomh e? *F.* Is gniomh saor  
ghràis Dhé e.

*C.* Co lìon earrann tha ann am fireanachadh?  
*F.* Tha dà earrainn.

*C.* Ciod e a' cheud earrainn de fhìreanachadh?  
*F.* Maitheanas peacaidh.

## Fireanachadh

C. Co dha tha am peacaidhean air am maiteadh le Dia anns an fhireanachadh? F. Tha dhaibhsan a tha air an gairm gu h-éifeachdach agus a tha air an aonadh ri Criod.

C. Cia uiread de pheacaidhean tha air am maiteadh anns an fhireanachadh? F. Tha am peacaidhean gu léir.

C. Ciod e an dara earrainn de fhireanachadh? F. Thà Dia a' gabhail ruinn mar fhireanaibh 'na fhanuis.

C. Cò tha gabhail ruinn? F. Thà Dia.

C. Cionnus tha a' mhuinntir a tha 'nam peacaich air an gabhail mar fhireanaibh anns an fhireanachadh? F. A mhàin air sgàth fireantachd Chriosd air a meas dhuinn.

C. Ciod i an fhireantachd a tha air a meas dhuinn 'san fhireanachadh? F. Tha fireantachd Chriosd.

C. Ciod i mhàin an aon dòigh anns an gabhinn an fhireantachd so thugainn? F. Le creidimh.

C. Cò am fianuis a bheil sinn air ar gabhail mar fhireanaibh? F. Am fianuis Dhé.

C. Ciod e toradh fireantachd Chriosd a bhi air

## Fireanachadh

a meas dhuinn? *F.* Tha sinn air ar gabhail mar fhireanaibh am fianuis Dhé.

*C.* Ciod tha air a chiallachadh le gràs? *F.* Tha fabhar agus tròcair Dhé do dhaoinibh.

*C.* Ciod tha air a chiallachadh le meas? *F.* Tha a' nì a tha air a chur ri ar cunntas agus bho bheil sinn a' faotainn buanachd mar gu'm b'e ar cuid fhéin.

### *Roinnean.*

1. A nì an aghaidh a bheil fireanachadh. 2. Éiginn. 3. Cor an duine roimh fhireanachadh. 4. Ciod tha air a chiallachadh leis. 5. Aobharan. 6. An dòigh. 7. Mar a nithear Pòl agus Seumas réidh r'a' chéile.

*1. A nì an aghaidh a bheil fireanachadh.*

*C.* Ciod e an aghaidh a bheil am fireanachadh? *F.* Tha, an aghaidh ditidh. Is e Dia a dh' fhireanaicheas. Cò a dhiteas? Rom. viii. 33, 34. Is gràinealachd e do Dhia an t-aingidh fhireanachadh, agus am firean a dhíeadh.

*C. C'arson a theirear gniomh ri fireanachadh?*

*F.* A chionn gu bheil e foirfe agus iomlan air ball.

*2. An éiginn.*

*C.* Ciod e a tha a' deanamh fireanachadh éig-

## Fireanachadh

inneach? *F.* Tha gu bheil an duine fo chiont agus ciontach.

*C.* An robh feum aig Adhamh ann an staid a neochiontais air fireanachadh? *F.* Cha robh do bhrigh gu'n robh e neochiontach.

*C.* A bheil feum aig ainglean nèimh a bhi air am fireanachadh? *F.* Cha'n'eil a chionn nach do pheacaich iad riamh agus nach robh iad riamh fo chiont.

*C.* Cò, uime sin, aig a bheil feum a bhi air am fireanachadh? *F.* Tha peacaich, do bhrigh gu bheil iad fo chionta agus, air an aobhar sin, 'nan ciontaich.

### 3. *Cor an duine roimh fhìreanachadh.*

*C.* Ciod e cor an duine roimh fhìreanachadh? *F.* Bha e dh' easbhuidh a' cheud shireantachd, agus uime sin, gun chòir air fàbhar Dhé. Tha geataichean nèimh dùinte 'na aghaidh. Tha e fo chiont agus, uime sin, tha geataichean ifrinn fosgailte gu ghabhail a steach.

*C.* A bheil na h-uile anns an aon suidheachadh a thaobh am feum air fireanachadh? *F.* Thà, na h-uile, seann is òg, cubhaidh agus mi-chubhaidh, oir pheacaich na h-uile, agus tha na h-uile fo chiont agus ciontach, agus, air an aobhar sin,

## Fireanachadh

tha feum aca a bhi air am fireanachadh—tha na h-uile ann an staid agus inbhe co-ionnan.

4. *Ciod tha air a chiallachadh le fireanachadh?*

*C.* Ciod tha air a chiallachadh le fireanachadh? A bheil e a' ciallachadh duine a dheanamh 'na fhìrean le bhi dòrtadh fireantachd ann? *F.* Cha'n 'eil, oir a bhi diteadh cha'n e sin a bhi deanamh duine ciontach le bhi dòrtadh ciont ann, ach an déidh dha bhi air a dhearbhadh ciontach, am breitheamh a bhi cur an céill a chiont, .i. buailteach do pheanas.

*C.* An e atharrachadh nàduir a tha 'san fhìreanachadh? *F.* Cha'n e ach atharrachadh staid.

*C.* Co ann tha fireanachadh a' co-sheasamh? *F.* (1) Ann am maitheanas peacaidh, Rom. iv. 5-7. (2) Ann an gabhail—Ephes. i. 6; Hosea xiv. 2; Gniomh. xxvi. 18.

*C.* Ciod i an cheud chuibhrionn de'n fhìreanachadh? *F.* Maitheanas pheacaidhean gu léir, Rom. iv. 5-7.

*C.* Cia lion nì tha 'sa' pheacadh? *F.* Thà, a chiont, a chumhachd, a thruaillidheachd agus a bhith.

*C.* Ciod tha Dia a' deanamh an uair tha e a'

## Fireanachadh

maitheadh peacaidh? *F.* (1) A bheil e toirt bith am pheacaidh air falbh? Cha'n'eil. (2) A bheil e ag atharrachadh a nàduir ionnus nach peacadh e na's mò? Cha'n'eil. (3) A bheil a mhì-airidheachd air atharrachadh ionnus nach'eil e na's mò a' toilltinn corruiich Dhé? Cha'n'eil.

*C.* Ciod, uime sin, tha deanta ann am maiteanas? *F.* Tha ciont peacaidh air a thoirt air falbh de an anam.

*C.* Ciod tha air a chiallachadh le ciont? *F.* Tha buailteachd do pheanas; is i an t-slabhrairdh a tha ceangal pearsa am pheacaich agus mallachd Dhé r'a' chéile; no toillteannas peacaidh.

*C.* Ciod is e ceart-thoillteannas peacaidh? *F.* Corruich shiorruidh; oir is e tuarasdal a' pheacaidh am bàs.

*C.* C'arson tha peanas a' pheacaidh cho uamhasach? *F.* Do bhrigh uilc neo-chriochnach peacaidh a tha an aghaidh bith agus glòir Dé—“Thubhairt an t-amadan 'na chridhe, cha'n'eil Dia ann,” Salm xiv. 1. “Nach 'eil t' aingidh-eachd mòr! agus t' eucearta gun chrioch,” Iob xxii. 5; Air bhi do pheacadh a bhi 'na olc gun chrioch, tha e airidh air peanas gun chrioch.

## Fireanachadh

C. Ciod tha a' gabhail àite a thaobh pearsa am pheacaich ann am maitheanas? F. Tha sgaradh air a chur eadar a phearsa agus a mhallaichd ionnus nach 'eil diteadh sam bith ann dha, Rom. viii. 1.

C. Ciod iad na peacaidhean a tha air a maitheadh anns an fhireanachadh? F. Tha a pheacaidhean gu léir; Salm ciii. 3.

C. Cionnus tha peacaidhean a bha agus a tha, air a maitheadh? F. Tha le òrdugh maitheanais, Salm xxxii. 5.

C. Cionnus tha na peacaidhean a bhios, air a maitheadh? F. Ann nach bi iad air am meas, Salm xxxii. 5.

C. A bheil peacaidhean a nithear an déidh maitheanais a' ceangal suas an anama chum peanais shiorruidh? F. Cha'n'eil, Rom. viii. 1.

C. Ciod a chum a bheil iad 'ga cheangal suas? F. Chum smachdachaidh an Athar, · Salm lxxxix. 89.

C. A bheil feum aig creidmhich air maitheanas peacaidh gach là dhe'm beatha? F. Tha gach là feum aca air matheanas Athar, ach air maitheanas a réir ceartais, agus laghail cha'n'eil feum aca.

## Fireanachadh

C. An dean peacadh 'na dhéidh, maitheanas a bha roimhe, a tharruing air ais? F. Cha dean.

C. Ciod anns a bheil maitheanas Athar eadar-dhealaichte bho maitheanas laghail? F. (1) Is e tha ann am maitheanas a réir ceartais, no laghail, gniomh Dhé mar bhreitheamh, ach is e tha ann am maitheanas Athar gniomh Dhé mar Athair. (2) Tha maitheanas laghail a' maithleadh peacaidhean a rinneadh an aghaidh cùmhnant nan gniomh, ach tha maitheanas Athar a' maithleadh peacaidhean a rinneadh an aghaidh an lagha mar riaghailt beatha. (3) Tha maitheanas laghail a' saoradh bho bhualteachd do chorruich shiорuidh, ach tha maitheanas Athar a' saoradh bho smachdachadh. (4) Tha maitheanas a réir ceartais, no laghail, a' deanamh atharrachadh 'nar staid, ach cha'n'eil maitheanas Athar a' deanamh sin. (5) Bho maitheanas laghail tha aithreachas a chum beatha a' sruthadh, agus tha maitheanas Athar a' leantuinn an lorg an aithreachais sin.

C. Ciod e gnè maitheanais Dé anns an fhìreaneanachadh? F. Tha e: (1) gun aobhar air taobh am pheacaich, agus air taobh Dhé a' sruthadh bho dheagh thoil. (2) Iomlan; cha'n'eil e an

# Fireanachadh

cuid ach gu h-iomlan. (3) Siorruidh, gun a bhi gu bràth air a dhubhadh a mach.

C. Ciod e an t-iomradh a tha 'sa' Bhiobull air maitheanas peacaidh? F. (1) Gur e dubhadh a mach a tha ann mar air droch fhiachan, Isai. xlivi. 25. (2) Gu bheil peacadh mar ghràinealachd air a chur as an t-sealladh le fireantachd Chriosd, Salm xxxii. 1. (3) Ni, nach 'eil air a chur as a leth, Salm xxxii. 2. (4) Gu bheil peacadh air a thilgeadh ann an doimhneachdaibh na fairge, Micah vii. 19.

C. Ciod i an dara cuibhrionn de an fhìreanachadh? F. A bhi a' gabhail ruinn mar fhìreanaibh 'na fhianuis—Ephes. i. 6; Hosea xiv. 2; Gniomh xxvi. 18.

C. Ciod anns a bheil maitheanas agus gabhail ruinn eadar-dhealaichte? F. (1) Le maitheanas tha am peacach air a shaoradh bho chiont agus air aideachadh mar neochiontach gu laghail, agus air a shaoradh bho bhinn a' bhàis shiorruidh. (2) Le gabhail ruinn tha am peacach air aideachadh mar fhìrean gu laghail, aig a bheil còir air beatha mhaireannach, 2 Cor. v. 21; Ephes. i. 6. (1) Le maitheanas tha geatachan 'ifrinn air an dùnadh an aghaidh a' pheacaich a fhuair maitheanas. (2)

## Fireanachadh

Le gabhail ruinn tha geatachan néimh air am fosgladh gu gabhail an fhírean an steach.

C. Co'm fianuis a bheil an neach a tha air fhíreanachadh air a ghabhail mar fhírean? F. Am fianuis Dhé mar bhreithimh, 2 Cor. v. 21.

C. Cionnus tha an Tighearna ag amharc air neach a bhi air fhíreanachadh gu h-iomlan gu laghail agus e fhathast an-diadhaidh? F. Tha e ag amharc air mar fhírean an sealladh an lagha a mhàin mar aon ann an Criod, Isai. xlvi. 24.

C. C'arson tha gabhail ris a' pheacach mar fhírean ceangailte ri maitheanas ann am fireanachadh? F. Do bhrigh ged dh'fhaodadh priosanaich bhi air am maitheadh am measg dhaoine, agus, gun a bhi aon chuid air an aideachadh neo-chiontach no air an gabhail ann am fàbhor gidheadh cha'n ionnan so do Dia, oir iadsan do bheil Dia'toirt maitheanas tha e meas am pearsachan mar fhíreanaibh 'na fhanuis agus 'gan gabhail 'na fhàbhor. Am measg dhaoine ged gheibheadh priosanaich maitheanas tha iad air am fògradh thar a chuan mhòr fharsuing agus a chaoi dh cha thaisbeanar iad an lathair an rìgh.

C. Ciod tha air a ghabhail le Dia anns an

# Fireanachadh

fhireanachadh? *F.* Tha am pearsa, an t-anam agus an corp.

*C.* Ciod ris a bheil e gabhail an toiseach—an e am pearsa no na deagh oibre? *F.* Tha ris a' phearsa. Bha meas aig Dia air Abel roimh a thabhairtas, Gen. iv. 4.

*C.* Ciod air a bheil gabhail Dhé ris na deagh oibre 'na dhearbhadh? *F.* Thà gu bheil Dia a' gabhail ris an neach a tha 'gan deanamh.

## 5. *Aobharan.*

*C.* Ciod iad aobharan an fhireanachaидh agus cia lion iad? *F.* Is iad an t-aobhar éifeachdach, gluaisid, airidheil, meadhonail agus am priomh-aobhar.

(1) *Cò e ùghdar no ciod e aobhar éifeachdach an fhireanachaидh?* *F.* Tha (1) Dia ann am pearsa an athar mar bhreithimh no mar ùghdar réir ceartais, Rom. iii. 26. Dia ann am pearsa a' Mhic cleachdadhbh an ùghdarais so ann a bhi toirt mach na binne ann an ainm an athar—Gniomh v. 31; Mark ii. 5; Isaiah liii. 2. 'Se Dia ann am pearsa an spioraid a' co-chur na binne is ùghdar, no aobhar éifeachdach, an fhireanachaидh. Tha (2) Dia a' fireanachadh thaobh riaghait tearnaidh: (a) Tha an t-athair a' fireanachadh ann bhi ag

## Fireanachadh

ullachadh 'na rùn an fhireantachd a dh' fhirean-aicheas agus ann a bhi cur a mhic g'a oibreachadh a mach ; (b) tha am mac a' fireanachadh air dha bhi comhlionadh na h-obrach ; (c) tha an spiorad a' fireanachadh ann bhith gabhail de'n fhireantachd so ; a bhi deanamh fianuis m'a tiomchioll agus 'ga co-chur ris an anam.

(2) *Ciod e aobhar gluaisid an fhìreanachaíd?* F. (1) Cha'n'e nì air bith tha làthair no ri teachd, anns a' pheacach féin tha 'ga thoilltinn ; (2) thaobh a' pheacaich cha'n'eil nì ann tha ag aobharachadh so. (2) Thaobh Dhé tha e sruthadh a mhàin bho shaor-shaoibhreis agus àrd-uachdranais a ghràis, Rom. v. 1; tha e 'g éirigh ann an cuan gràidh, no gràis Dhé.

(3) *Ciod e an t-aobhar airidheil?* F. An e nì air bith a bha anns a' pheacach ma's do dh'fhirean-aicheadh e, no nì air bith a dh'fhairich e an deidh dha bhi air fhìreanachadh no nì sam bith a rinn e an deidh dha bhi air fhìreanachadh? Cha'ne. Cha'n ann bho nì maith air bith a bh'ann ma's do dh'fhìreanaicheadh e chionn 's nach robh nì ann ach peacadh agus cionnus thig nì glan a nì neo-ghlan? Cha'n ann air sgàth suairce bh'ann féin an deidh dha bhi air fhìreanachadh, oir

## Fireanachadh

gus an do dh' fhìreanaicheadh e bha e fo'n mhallachd agus cha deanadh e ach toraidhean na mallachd a ghiùlan. Cha'n ann air sgath deagh ghniomharan a rinneadh leis an deidh dha bhi air fhìreanachadh chionn 's nach 'eil iad foirfe; uime sin cha bhi feòil air bith air a fireanachadh tre'n lagh—Rom. iii. 20; Titus iii. 5.

C. An ann air sgàth a chreidimh 'athreachais 'irioslachd no doimhneachd 'f hairichidhean fo obair lagha? F. Cha'n ann. Cha'n'eil e air fhìreanachadh air bonn obair an Spioraid 'na anam, no air bonn a bhròin 'na amhghar.

C. Ciod e réisd an t-aon bhonn a mhàin no an t-aon aobhar airidheil air a bheil e air fhìreanachadh? F. Is e a mhàin fireantachd Chriosd—Rom. v. 19; 2 Pead. i. 1.

C. Ciod tha air a chiallachadh 'le fireantachd Chriosd? F. Tha 'umhlachd agus 'f hulangas fo'n lagh no 'umhlachd ghniomhach agus 'umhlachd f hulangach.

C. Ciod e 'umhlachd f hulangach agus ghniomhach? F. Tha direach 'umhlachd do àithne an lagha agus f hulangas fo pheanas an lagha.

C. C'arson theircar umhlachd r'a f hulangas?

## Fireanachadh

F. Chionn gu'n d' fhuiling e gu toileach air sgàth ùghdarrais agus glòire Dhé.

C. Co ris tha fulangas Chriosd gu 'bhi air a thomhais? F. Ri lagh naomha Dhé; tha do lagh 'na mo chridhe.

C. Co air tha lagh naomha nam modhanan suidhichte? F. Air nàduir naomha Dhé.

C. Ciod e an t-eadar-dhealachadh tha eadar lagh nam modhanan agus lagh nan deas-ghnàthan?

F. Tha lagh nan deas-ghnathan suidhichte air toil ard-uachdranais Dhé agus faodaidh an lagh so a bhi air atharrachadh an deidh dha bhi air a thoirt gun nàdur Dhé bhi air atharrachadh, ach tha lagh nam modhanan suidhichte air nàdur Dhé agus, uime sin, cha bhi e gu bràth air atharrachadh.

C. Ciod tha deanamh suas an t-aobhar airidheil?

F. Thà àithne agus peanas, agus tha fireantachd Chriosd a' comhlionadh an dà ni so; agus is e cumaidheachd Chriosd ris an lagh.

C. Ciod an seadh anns an robh Chriosd foidhe?

F. Bha e foidhe mar chùmhnnant.

C. Ciod tha e ag agart mar chùmhnnant? F. Thà foirfeachd, agus cha riaraich na's lugha na so e.

C. Ciod a b' éiginn dha dheanamh mu's d' thainig

## Fireanachadh

e foidhe? *F.* B' éiginn dha bhi air a dheanamh 'na dhuine. Dh' fheumadh e bhi 'na Dhia agus 'na dhuine ma's biodh an fhireantachd so air a h-oibreachadha mach: 'na dhuine gu umhlachadh, gu fulang agus gu bàsachadh ach 'na Dhia chum airidheachd neo-chriochnach thoirt dha so uile.

*C.* A bheil fireantachd Chriosd airidh dhi féin air fireanachadh? *F.* Thà do bhrigh urram neo-chriochnach a phearsa.

*C.* An robh Criosd air fhireanachadh an déidh dha a h-oibreachadha mach? *F.* Bhà; oir thugadh thairis e airson ar cionta agus thogadh suas a' ris e air son ar fireanachadh.

*C.* An ruig lagh no ceartas gu bràth air a' pheacach a tha fo fhireantachd Chriosd? *F.* Cha ruig; oir cò chuireas ni sam bith as leth daoine taghta Dhé.

*C.* Ciod e an seòrsa fireantachd a tha so? *F.* Tha fireantachd a tha (1) a' glòireachadh Dhé (2) a tha air a gabhail; tha i neo-chriochnach airidh agus freagarrach do staid a' pheacaich oir air sgàth airidheachd neo-chriochniach fulangais Chriosd bithidh am peacach air a mhaiteadh agus air a shaoradh bho dhiteadh siorruidh agus air sgàth airidheachd neo-chriochnach Chriosd tha pearsa a'

## Fireanachadh

pheacaich air a ghabhail agus an sín tha e' faotainn còir air beatha.

(4) *An t-aobhar meadhonal.* C. Ciod e an t-aobhar gniomhach? F. Is e creidimh.

C. Cionnus tha creidimh a' fireanachadh? F. Cha'n ann mar ghràs an Spioraid no mar phrionnsabal no mar ghniomh a' chreidmhich ach a mhàin ann an daimh ri Criod, oir tha creidimh a' deanamh greim air pearsa agus fireantachd Chriosd agus 'ga cho-chur ris an anam. Is e so am ball-ceangail a tha eadar Criod agus an t-anam.

C. C'arson is e creideamh agus nach e gràs sam bith eile as meadhon anns an fhireanachadh? F. Chum's gu'm bitheadh na h-uile aobhar uaill air an druideadh a mach: is ann o chreidimh a tha e ionnus gu'm biodh i tre ghràs, Rom. iii. 27, iv. 16.

(5) *Am priomh-aobhar.* C. Ciod i crioch àraidh an fhireanachaiddh? F. Is i glòir gràis Dhé oir is e so an sgàthan anns a bheil i dealradh.

### 6. *Dòigh fireanachaiddh.*

C. Ciod i dòigh fireanachaiddh a thaobh an duine? F. Tha i tre chreidimh laghail no creidimh sois-geulach, Rom. v. 1.

C. Co aca is e creideamh laghail no creideamh

## Fireanachadh

soisgeulach tha'n so? *F.* Is e creideamh soisgeulach a tha ann.

*C.* Ciod tha gabhail aite 'sa pheacach ma's tachair so? *F.* (1) Tha ceartas a' deanamh casaid no tagraidih gur ciontach e an làthair Dhé am Breitheamh. (2) Tha e air a thoirt gu mòd air beulaobh a' bhreithimh. (3) Tha an lagh mar Spiorad na daorsa 'ga dhíeadh. (4) Tha dà fhianuis anns a mhòd 'na aghaidh; is iad sin a choguis féin agus uile-fhiosrachd Dhé. (5) Feumaidh e a chiont aideachadh oir tha i air a dearbhadh air. (6) Is i bhinn a tha e 'toilltinn corrúich shiorruidh no mallachd an lagha agus cha'n'eil fàth sam bith aige a thagras e an aghaidh na binne. (7) Cha'n'eil éifeachd sam bith dha 'na fhireantachd féin. Is e Criod a mhàin caraid a pheacaich oir dh' oibrich e mach fireantachd làn-fhreagarrach ri chor. Tha an fhreagarrachd so air a toirt fagaisg dha ann an Criod anns an t-soisgeul chum gabhail rithe agus is e (a) creideamh an t-sùil a chì i (b) na cosan a ruitheas gu Criod air a son agus (c) an làmh a ghlacas i; anns an dòigh so tha i a' fireanachadh.

*C.* Ciod i dòigh fireanachaидh a thaobh Dhé? *F.* Thà Dia a bhi meas fireantachd dha; tha Dia

## Fireanachadh

am meas fireantachd as eugmhais oibre, Rom. iv. 6; tha Dia 'ga meas dha mar gu'n d'oibrich e féin a mach na phearsa i oir choimhlion Criod i mar éiric 'na rùn agus 'na àite.

C. Ciod i an daimh anns a bheil Dia a' seasamh 'nuair tha e a'fireanachadh? F. Thà mar bhreith-eamh air a chathair, agus am peacach anns an ionad-thagraidh mar chiontach.

C. Ciod i an daimh anns a bheil Dia a' seasamh ris an duine a tha air fhireanachadh? F. Thà mar athair agus an duine mar a leanabh air uchdmhacachadh.

C. Am bì peacaidhean an fhirean air am faotainn aig là bhreitheanais? F. Cha bhi; bidh peacaidhean Israel air an iarraidh ach cha bhi iad air am faotainn, oir tha iad air an cur fodha ann an cuan fola Chriosd. Cha suidh Dia air cathair breitheanais da thaobh na's mò, ach 'sann a bhitheas e dhà mair athair.

C. C'uin, uime sin, tha là breitheanais an anama a tha air fhireanachadh? F. Thà an là anns a bheil Dia a' dearbhadh air a pheacaidhean agus 'ga fhireanachadh; 'San uair sin tha 'pheacaidhean air an cur fa chomhair agus tha e air a dhíeadh 'na bhroileach féin ach air a chur saor le Dia.

# Fireanachadh

C. Co ann tha fireanachadh? F. Thà a mhàin, ann an Criosd, 'se sin, ann am beo-aonadh ris; anns an Tighearna bithidh uile shiol Israel air am fireanachadh agus bheir iad glòir dhà.

C. An déilig Dia ris air son nam peacaidhean a rinn e an déidh dha bhi air fhìreanachadh? F. Déiligidh ach cha pheanasaitch se e mar bhreitheamh ach smachdaichidh se e mar athair; ma tha sibh as eugmhais smachdachaидh an sin is clann diolain sibh agus cha chlann dligheach, Eabh. xii. 8; ma thréigeas a chlann mo lagh an sin fiosraichidh mi iad le slait an eusontais, Ps. lxxxix. 30-32.

## 7. *Pòl agus Seumas réidh r'a chéile.*

C. Nach 'eil Pòl ag radh gu bheil duine air fhìreanachadh tre chreidimh gun oibrigh an lagha? F. Thà; Roman iii. 20, 28. Tha fios againn nach 'eil duine air fhìreanachadh o oibrigh an lagha ach tre chreidimh Iosa Criosd, Gal. ii. 16.

C. Nach 'eil Seumas ag radh gur ann tre oibrigh tha duine air fhìreanachadh agus cha'n ann tre chreidimh a mhàin? F. Thà, Seumas ii. 24.

C. A bheil beachdan an dà abstoil sin a' breugnachadh a' chéile? F. Cha'n'eil oir bha iad air an deachdadh leis an aon spiorad agus,

## Fireanachadh

uime sin, cha'n urrainn dhaibh a bhi an aghaidh a' chéile.

C. Cionnus a nithear réidh r'a chéile iad?

F. Chum na criche so feumaidh na nithean a leanas a bhi 'nar smuaintean, (1) Gu'm b'iad buidhionnan eadar-dhealaichte ris an robh an dà abstol a' labhairt. Is ann ri muinntir na féin-fhireantachd bha Pòl a' labhairt, sluagh a bha, ann an tomhas, ann an cuid de'n caitheamh beatha, cumaidh ri litir an lagha agus nach robh anns an choitchionn ciontach de pheacaidhean gràineil. Rinn iad so cuid no an t-iomlan de'n oibrigh féin 'na bhonn fireanachaид agus dhiùilt iad fireantachd Chriosd, an cuid no an t-iomlan, mar bhonn fireanachaид. 'Se bha annta dìreach *Arminianaich*. Ach air an làimh eile, bha Seumas a' labhairt ri luchd-aidich a bha eudmhor a thaobh a chreidimh ach a bha mi-naomha agus neo-ghlan agus a bha gabhail fois ann an creidimh marbh agus a bha beo 'sa' pheacadh; cha robh annta dìreach ach *Antinomianaich*. (2) Gur th'ann mu dhà sheòrsa creideamh eadar-dhealaichte annta féin a labhair na h-abstoil. Labhair Pòl mu chreidimh fior, gniomhach agus beothail, nì as e toradh obair an Spioraid a ghlan an cridhe agus a dh' oibrich tre ghradh, Gal. v. 6. Labhair Seumas mu chreidimh

## Fireanachadh

marbh neo-ghniomhach, nì as e toradh neirt a' pheacaich agus nach robh a' giùlan naomhachd mar thoradh, Seumas ii. 14-18. (3) Gur th'ann mu dà sheòrsa fireanachaид labhair iad. Labhair Pòl mu fhìreanachadh pearsa pheacaich, is e sin, saòrsa bho'n mhallachd agus gabhail ri a phearsa fa chomhair Dhé air bonn fireantachd Chriosd. Labhair Seumas mu fhìreanachadh creidimh a chreidmhich — gu'n robh a chreideamh air fhìreanachadh, i.e. air a dhearbhadh a bhi fior neo-thruaillte, treibhireach, de'n t-seòrsa cheirt agus, uime sin, tha e ag radh gu robh Abrahàm air fhìreanachadh agus gu robh a chreideamh air a dhearbhadh a bhi de'n t-seòrsa cheirt 'nuair thug e suas Isaac aig àithne Dhé, Gen. xxii. 12. Cha b'e creideamh marbh a bha an so ach creideamh bed; bha pearsa Abrahaim air fhìreanachadh tre chreideamh air fireantachd Chriosd a mhàin, ach tha e 'cheart cho fior gu robh e air fhìreanachadh tre 'oibríbh; gu robh chreideamh air a dhearbhadh a bhi neo-thruaillte le oibriibh no le ùmhlaichd. (4) Gur th'ann an seadhan eadar-dhealaichte bha iad ag amharc air a' mhuinnitir a bha air am fireanachadh 'se sin mar pheacaich agus mar chreidmhich. Tha Pòl a' labhairt mu fhìreanachadh pheacach i.e. mu shaoradh am pearsa bho

## Fireanachadh

chiont agus mu ghabhail ri am pearsa tre chreideamh air fireanteachd Chriosd. Tha an lagh ag agairt briseadh an lagha an aghaidh a' pheacaich a tha air a dhùsgadh agus is i an aon dòigh air am bi e air a shaoradh bho so a bhi a' creidsinn ann am fireantachd Chriosd. Tha Seumas a' labhairt mu fhireanachadh a' chreidmhich le saorsa a tha saoradh, mar tha am beatha dhiadhaidh a' dearbhadh an cliù bho amharus cealgaireachd. Tha Sàtan agus a' choguis, 'nuair tha an creideamh lag, gu tric a' cur cealgaireachd as leth a chreidmhich agus, chum e féin a shaoradh bho'n chasaid so agus chum a bhi dearbhadh treibhdhiris a chreidimh agus fhireanachaiddh am fianuis Dhé, tha e nochdadadh 'umhlachd agus deagh oibre mar thoradh a chreidimh. Mar so tha e 'dearbhadh gu'n do dhùin e ri Criosd agus air an aobhar sin, gu bheil e saor bho'n chasaid a rinn Sàtan nach robh e creidsinn ann an Criosd. (5) Gur th'ann mu bhreitheamhan eadar - dhealaichte labhair iad. Tha Pol a' labhairt mu fhireanachadh am fianuis Dhé or tha Dia 'na bhreitheamh air araon pearsa agus staid; tha Seumas a' labhairt mu fhireanachadh am fianuis dhaoine, oir faodaidh daoine breth a thoirt air toraidhean. (6) Gur th'ann air taobhan fa leth de'n chreideamh dh'

## Fireanachadh

amhairc iad. Tha Pol a' labhairt mu oifig a' chreidimh ann am fireanachadh am fianuis Dhé. Tha Seumas a' labhairt mu na toraidhean agus na buaidhean mar chithear iad le daoine. (7) Gur th'ann mu ghniomhan eadar-dhealaichte chreidimh a bha iad a' labhairt. Tha Pol a' labhairt mu phriomh ghniomha'chreidimh nì ase a bhi deanamh greim air Criod chum slàinte. Tha Seumas a labhairt mu dhéidh-ghniomh a chreidimh a tha 'ga nochdadadh féin ann an gràdh. Tre chreideamh tha am peacach air aonadh ri Criod agus far a bheil gràdh tha ùmhachd. Bho na beachdan so tha réite an dà abstol air a deanamh soilleir.

### *Co-dhuineadh.*

1. *Chum teagaisg.* (1) Cha'n e ach an t-amadan aig a bheil beachd beag agus smuaintean aotrom mu pheacadh agus mu chionta peacaidh. Cia uamhasach 'nuair tha e rùsgadh a' pheacaich do chorruich shiorruidh! (2) Truaighe nan muinntir air nach do ràinig maitheanas agus nach 'eil air am fireanachadh! Is dorch an t-siorruidheachd a tha feitheamh orra! (3) Sonas nam firean. Tha iad air an saoradh bho chorruich agus tha còir aca air beatha

## Fireanachadh

mhaireannach! (4) Luach agus luachmhorachd an t-soisgeil a tha taisbeanadh dòigh fireanachaидh agus anns a bheil Criod agus 'fhireantachd air a toirt am fagaisg dhuinn! (5) Tha fireanachadh a' pheacaich ann an Criod a' nochdadh dhuinn gu soilleir saoibhreis gràis Dhé.

2. *Chum ceasnachaидh.* Ma tha thu air d' fhìreanachadh (1) Chunnaic thu thu féin ann an staid ditidh agus ruith thu go Criod a mhàin chum fireanachaидh. (2) Thréig thu gach uile earbsa 'na d' fhìreantachd féin agus bha thu air do ghiùlan a mach gu Criod a mhàin air son fireanachaидh. (3) Tha uachdranachd agus riaghlaidh peacaidh air am briseadh anns an fhìreanachadh, oir far a bheil cumhachd ditidh a' pheacaidh air a thoirt alr falbh tha 'chumhachd riaghlaidh air a thoirt air falbh cuideachd. Ma fhuair duine ciontach maitheanas tha e air a thoirt as na h'iaruinn agus as am phriosan agus as cumhachd fear-gleidhidh am phriosain. Mar an ceudna cha'n'eil am peacach a fhuair maitheanas na's fhaide 'na phriosanach aig Sàtan no 'na thràill aig peacadh chionn agus gu bheil na slabhraidean air am briseadh agus tha anam a' tagradh an déidh naomhachd ionlan. (4) Anmhuiinneachd coguis a thaobh peacaidhean, buairidhean agus gach uile

# Fireanachadh

choslas uilc. (5) Beatha dhiadhaidh, beatha féin-àicheadh agus ceusaidh a' pheacaidh.

3. *Chum earaileachaidh.* (1) Thoir fainear naomhachd agus fireantachd nàduir Dhé chum 's gu'm faic thu do ghràinealachd agus do thruaighe féin am feadh 'sa tha thu gun d' fhireanachadh. (2) Bitheadh cùram ort faighinn a mach as an staid dìtidh anns a bheil thu. Na'n robh thu fo bhinn a' bhàis nach deanadh tu strìth air son maitheanais. (3) Ged tha fireantachd nasgaidh gidheadh cha'n ann gu diomhain a thig i; tha am mhuinntir a fhuair i 'ga meas mar an tràcair as àirde oir dh' fhairich iad nach robh ann ach truaighe a bhi as a h-aònais.

4. *Ann an staid na neo-fhìreantachd.* (1) Tha thu fo'n mhallachd agus cha ghiùlain thu ach toradh na mallachd. (2) Cha'n'eil slighe agad gu Dia. (3) Cha'n'eil sìth agad ri Dia. (4) Cha'n urrainn naomhachd sam bith a bhi agad. (5) Tha d' oibríbh gu léir peacach, aon chuid do dhleasanasan nadurra, laghail, agus do dhleasanasan spioradail. (6) Tha thu dol na's doimhne agus na's doimhne ann an leabhar fiachan Dhé bho là gu làtha.

5. Thig crioch air cothrom maitheanais.

6. Tha maitheanas air a thairgse dhuit agus cha

## Fireanachadh

dean uamhas no lionmhorachd do pheacaidhean  
do dhùnadh a mach uaithe.

7. Tha fireanachadh a' pheacaich a mhàin ann  
an Criod ; gabh ris gu sòlaimte ann an tairgse an  
t-soisgeil.

## CREIDEAMH

CEIST. *Ciod e creidimh ann an Iosa Criosc?*

FREAGRADH. *Creidimh ann an Iosa Criosc, is gràs slàinteil e, leis a bheil sinn a' gabhail ris, agus 'gar socrachadh féin air-san 'na aonar airson slàinte, mar a ta e air a thairgse dhuinn anns an t-soisgeul.*

*Ceasnachadh.*

*C.* Ciod e gràs? *F.* Fabhar Dhé dhaibhsan nach 'eil airidh air.

*C.* Ciod e gràs slàinteil? *F.* Creideamh.

*C.* Cò air tha creideamh 'na ghràs slàinteil? *F.* Air Iosa Criosc.

*C.* Ciod tha air a radh ann an so a tha creideamh ann an Iosa Criosc? *F.* 'Na ghràs slàinteil.

*C.* Ciod e an seòrsa gràis a tha air a radh ann an so is e creideamh air Iosa Criosc? *F.* Gras slàinteil.

*C.* Ciod tha an creidmheach a' deanamh tre

## Creideamh

chreideamh? *F.* Tha e a' gabhail ri Criod, agus 'ga shocrachadh féin air-san 'na aonar air son slàinte.

*C.* Co ris tha e a' gabhail? *F.* Ri Criod.

*C.* Cò leis tha e a' gabhail ri Criod? *F.* Le creideamh.

*C.* Ciad a bharrachd air gabhail ri Criod a tha an creidmheach a' deanamh tre chreideamh? *F.* Tha e a' socrachadh air Criod.

*C.* Co air tha an creidmheach a' socrachadh tre chreideamh? *F.* Air Criod.

*C.* C'arson tha an creidmheach a' socrachadh air Criod. *F.* Airson slàinte.

*C.* Cionnus tha an creidmheach 'ga shocrachadh féin air Criod airson slàinte. *F.* Tha e a' socrachadh air-san a mhàin.

*C.* Cò tha 'ga shocrachadh féin air Criod 'na aonar airson slàinte? *F.* Thà esan a tha a' creidsinn ann.

*C.* Cionnus tha Criod air a ghabhail tre chreideamh? *F.* Thà mar tha e air a thairgse anns an t-soisgeul.

*C.* Cò tha air a thairgse? *F.* Thà Criod.

# Creideamh

C. Cò dhà tha e air a thairgse? F. Tha  
dhuinne.

C. Cò ann tha e air a thairgse? F. Anns an  
t-soisgeul.

C. Ciod tha air a radh ri bhi gabhail ri Criod  
agus a bhi socrachadh air-san 'na aonar airson  
slàinte. F. Tha creideamh.

C. Cia lion nì tha air am filleadh ann an gràs  
slàinteil? F. Tha dù nì. (1) Gabhail ri Criod  
air son slàinte mar tha e air a thairgse anns an  
t-soisgeul. (2) Socrachadh air Criod 'n aonar air  
son slàinte.

C. Ciod tha air a chiallachadh le gabhail?  
F. Thà a bhi gu toileach agus gu taingeil 'gabhall  
thugainn.

C. Ciod tha air a chiallachadh le socrachadh?  
F. Thà a bhi cur ar n-uile dhòchas agus mhuin-  
ighinn ann an neach.

C. Ciod tha air a chiallachadh le slàinte?  
F. Thà saorsa ionlàn o'n pheacadh agus ath-  
shuidheachadh ann an sonas.

## Roinnean.

1. Seòrsachan creidimh.
2. Mathair-aobhair.
3. Ùghdar.
4. Cuspairean.
5. Rùn.
6. Gniomh.

## Creideamh

7. Barantas.
8. A' chrioch.
9. Gnè.
10. Iomradh.
11. Cunnart.

### 1. *Sedrsachan creidimh.*

C. Cia lion seòrsa creidimh tha air an ainmachadh anns a' Bhiobull? F. Ceithir.

C. Ciod iad? F. (1) Eachdraidheil, a tha co-sheasamh ann an aonadh lòm ris an ni a tha air a thaisbeanadh anns an Fhocal gun aon chuid gràdh no spéis do'n nì a tha air a thaisbeanadh—creidimh mar dh' fhaodas a bhi aig na deamhain: tha thu creidsinn gu bheil aon Dia ann; is maith a ni thu; tha na deamhain a' creidsinn mar an ceudna, agus tha iad a' criochnachadh, Seumas ii. 19. Faodaidh an creideamh so a bhi aig daoine mì-dhiadhaidh mar bha Simon Màgus oir chreid e, Gniomh viii. 13. (2) Creideamh nach mair ach car ùine a tha co-sheasamh ann an aonadh ri firinn taisbeanaidh Dhé maille ri fannghluasad aignidhean dh' fhaodas mairsinn car ùine agus an sin a sheargas as mar an siol anns an talamh chreagach, Mata xiii. 20-21. Agus faodaidh so a bhi a' giùlan ath-leasachaидh neochumanta bho pheacaidhean gràineil: Oir an déidh dhaibh dol as o shalachar an t-saoghail, tre còlas an Tighearna agus an t-Slanuighir Iosa

## Creideamh

Criosd, ma bhios iad a ris air an ribeadh anna agus air an cur fo ghéill, tha a' chrioch aca na's miosa na an toiseach, 2 Pead. ii. 20. (3) Creideamh ann am miorbhulean, agus b'iad buaidh tiodhlacan miorbhuleach an Spioraid.

C. C'uin bhuilich Dia a leithid sin de chreideamh air neach sam bith? F. Nuair bha teachdarachd àraidih ro-chudthromach no cuibhrionn ro-shonhraichte de thaisbeanadh Dhé gu bhi air a dhaingneachadh mar 'bha miorbhulean Mhaois agus nam faidhean agus nan abstol.

C. An robh a' muinntir air an do bhuilicheadh creideamh anns na miorbhulean ann an staid shláinteil? F. Cha robh oir ri mòran dhiubh so their Criosd : cha b' aithne dhomh riamh sibh, Mata vii. 22.

C. Am faod sùil a bhi againn ri miorbhulean an diugh? F. Cha'n fhaod, oir cha'n'eil barantas againn so a dheanamh chionn gu bheil clàir an sgriobtuir a nis dùinte. (4) Creideamh slàinteil. Is e so an creideamh a tha a' gabhail ri Criosd agus air an aobhar sin a tha ceangailte ri slàinte.

C. Ciod e creideamh slàinteil? F. Is e an creideamh a tha gabhail ri Criosd agus a' socrachadh air.

## Creideamh

C. C'arson tha creideamh slàinteil air a radh ris? F. Airson gur e an làmh a tha a' greimeachadh air Criod agus air a shlàinte, no an t-slabhraidh a tha ceangal pearsa a pheacaich ri pearsa Chriosd agus a' toirt comh-phairt dha ann an slàinte Chriosd: ge b'e chreideas teàrnar e, Marc xvi. 16.

### 2. *Mathair-aobhair.*

C. An e creideamh slàinteil toradh cumhachd nàdurra an duine, no toradh cumhachd a shaoir thoile. F. Cha'n e: cha'n urrainn neach air bith teachd a m' ionnsuidh-sa mur tarruing an t-Athair a chur uaith mise e, Eoin vi. 44.

C. Co bhuaithe tha e? F. Is e tiodhlac Dhé e; oir thiodhlaiceadh dhuibhse air son Chriosd, creidsinn ann, Philip. i. 29.

C. Cia an tobair bho a bheil e sruthadh? F. Bho chuan saoibhir uachdranais saor-ghràis Dé.

### 3. *Ughdar.*

C. Cò e ùghdar creidimh slàinteil? F. Thaobh a thòiseachaidh anns an anam tha e air a chur as leth (1) an Athair: cha'n urrainn neach air bith teachd a m' ionnsuidh-sa, mur tarruing an t-Athair a chuir uaith mis e, Eoin vi. 44. (2) As leth a'

## Creideamh

mhic; tarruing mi agus a' d' dhéidh ruithidh sinn, Dan Shol i. 4. (3) As leth an Spioraid Naoimh gu h-àraidh, oir is e creideamh aon de thoraidhean an Spioraid, Gal. v. 22, agus theirear ris Spiorad creidimh, 2 Cor. iv. 13.

C. Ciod e am meadhon leis a bheil an Spiorad ag oibreachadh creidimh? F. Thà le focal Dé; is ann o éisdeachd a thig creideamh agus éisdeachd tre fhocal Dhé, Rom. x. 17.

C. Ciod e focal Dhé? F. An lagh agus an soisgeul. (1) Le focal an lagha bhi air a chochur leis an Spiorad tha creideamh an lagha air oibreachadh a mach leis an Spiorad a bhi toirt do'n pheacach beachdan ceart air an lagh agus naomhachd, farsuingeachd agus spioradalachd an lagha. (2) Le focal an t-soisgeil a bhi air a chochur leis an Spiorad tha creideamh an t-soisgeil air oibreachadh anns an anam leis an Spiorad a bhi leigeil ris do'n pheacach fheum air Criod agus freagarrachd Chriod ri a chor, agus ùghdarrings Dhé ag àithneadh dha creidsinn ann an Criod agus a' craobh-sgaoileadh gràidh Dhé 'na anam a tha ag atharrach agus ag ath-nuadhachadh a nàduir moralta agus a tha 'gintinn an creideamh sin a tha ag oibreachadh tre ghràdh.

## Creideamh

C. A bheil eòlas feumail chum creidimh? F. Thà, oir cha'n urrainn dhuinn creidsinn anns an nì nach aithne dhuinn: fhuair sinn aithne air agus chreid sinn an gràdh a tha aig Dia dhuinn, i Eoin iv. 16.

C. Ciod e an t-eadar-dhealachadh tha eadar eòlas a' chreidimh agus eòlas tuairmse? F. Tha eòlas a' chreidimh (1) ag irioslachadh; agus ma tha aon duine a' saoilsinn gur aithne dha nì sam bith, cha'n aithne dha aon nì fathast mar bu chòir dha aithneachadh, i Cor. viii. 2. (2) A' cruth-atharrachadh: a dh' fhosgladh an sul a chum gu'n tionndaidh iad o dhorchadas gu solus, agus o chumhachd Shàtain gu Dia, Gniomh xxvi. 18. (3) Teò-chridheach, gràdhach: an tì nach gradhaich cha'n aithne dha Dia, oir is gràdh Dia, i Eoin iv. 8. (4) Aghartach: agus bidh eòlas againn, theid sinn air ar n-aghaidh a' ghabhail eòlais air an Tighearna, Hos. vi. 3. Cha'n eil aon de na toraidhean so air an eòlas thuairmseil.

C. Ciod e an co-chòrdadh tha eadar creideamh agus gràdh agus dòchas? F. (1) Tre chreidimh gheibh sinn seàlladh air maith neo-fhaicsinneach agus creididh sinn ann; tre chreidimh thréig e an Eiphit gun eagal a bhi air roimh chorruich an righ,

## Creideamh

oir bha e laidir 'na inntinn mar neach a bha faicinn an Ti a tha neo-fhaicsinneach, Eabh. xi. 27. (2) Tre ghràdh miannaichidh sinn agus siridh sinn am maith neo-fhaicsinneach; tha miann ar n-anama air t' ainm, agus air do chuimhne, Isai. xxvi. 8. (3) Tre dhòchas tha sinn a' feitheamh gu muinghinneach agus gu foighidneach ris; ach ma tha dòchas againn ris án nì nach 'eil sinn a' faicinn feithidh sinn gu foighidneach ris, Rom. viii. 25.

### 4. *Cuspairean.*

C. Co air a tha creideamh slainteil air oibreachadh? F. Cha'n'eil air na h-uile dhaoine; oir cha'n'eil creideamh aig na h-uile, i Tes. iii. 2; ach aca san a tha air am breth o Dhia, Eoin i. 12-13.

C. Ciod tha air thoiseach air creideamh? F. Tha ath-ghineamhuinn.

C. Ciod i obair an Spioraid anns a bheil creideamh air oibreachadh anns an anam? F. Ann an obair na h-ath-ghineamhuinn, oir tha Chriosd air a ghabhail leis an anam gu neo-mhothachail—is e sin Chriosd a' teachd tre a Spiorad anns an anam mharbh agus 'ga ath-bheothachadh agus 'ga thoirt beò gu spioradail. An sin tha an t-anam a' creid-sinn no a' gabhail gu mothachail ri Chriosd nì as e

## Creideamh

ceud-ghluasad na beatha spioradail a tha air a com-pairteachadh anns an ath-ghineamhuinn.

*C.* Ciod iad de buadhan an anama anns a bheil creideamh air oilreachadh? *F.* An tuigse agus an toil no an cridhe—’se sin buadhan na h-inntinne agus buadhan moralta an duine; fhuair iad so uile bàs ann an creidimh gun na geallaidhean fhaotainn ach air dhaibh am faicinn fad o laimh làn chreid iad annta, Eabh. xi. 13. Is e tha a bhi a làn-chreidsinn nan geallaidhean a’ ciällachadh bhi làn chreidsinn gu bheil iad fior ní as e gniomh na tuigse ach is e a bhi ’gan dlùth-ghabhail gniomh na toile oir tha an toil a’ greimeachadh air, no a’ roghainneachadh na firinne sin de a bheil làn-dearbhadh aig an tuigse. Uime sin tha sin a’ leughadh gur ann leis a’ chridhe a chreidear chum fireantachd, Rom. x. 10.

*C.* Ciod e tha, anns a choitchionn, air thoiseach air creideamh slàinteil no creideamh soisgeulach? *F.* Thà, creideamh laghail.

*C.* C’arson? *F.* Chum fheum fhoillseachadh do’n pheacach; cha’n’eil feum aca-san a tha slàn air an léigh ach aca-san a tha tinn, Marc ii. 17.

5. *Rùn.*

*C.* Co e, anns a choitchionn, air a bheil creid-

## Creideamh

eamh suidhichte? *F.* Thà Dia an t-Athair, am Mac agus an Spiorad Naomh. Tha sibh a' creid-sinn ann an Dia, creidibh annam-sa mar an ceudna, Eoin xiv. 1.

*C.* Cò e gu sònruichte air a bheil creideamh suidhichte? *F.* Thà Iosa Criod. Is ann airsan tha creideamh suidhichte, agus tha esan a' léigheas dìreach mar léighis an nathair umha na h-Israelich; mar thog Maois an nathair 'san fhàsach is ann mar sin is eiginn do mhac an duine a bhi air a thogail suas, Eoin iii. 14-15.

*C.* Ciod e ann an Criod agus co-cheangailte ris air a bheil creideamh suidhichte? *F.* (1) Is ann air a phearsa anns a cheud àite, tha an creideamh suidhichte; seallaibh riumsa agus bithibh air bhur tearnadh uile iomalla na talmhainn, Isai. xlv. 22. (2) Tha creideamh anns an dara àite suidhichte air a shochairean, 'oifigean, 'airidheachd, 'fhireantachd agus a ghràs; seadh gun amharus, agus tha mi a' meas nan uile nithean 'n an call, air son ro òirdhearcas eòlais Iosa Criod mo Thigh-earna; air son an d' fhuiling mi call nan uile nithean agus tha mi a' meas gur aolach iad chum gu'n cosnainn Criod agus gu faighear ann-san mi gun m' flìreantachd féin agam a tha o'n lagh, ach

# Creideamh

an fhireantachd sin a tha tre chreidimh Chriosd  
an fhireantachd a tha o Dhia tre chreidimh,  
Phil. iii. 8-9.

C. Nach ann air Dia tha creideamh suidhichte?  
*F.* Is ann, oir tre Chriosd tha sinn a' creidsinn ann  
an Dia; muinntir trìd san a tha creidsinn ann an  
Dia a thog esan o na mairbh agus a thug glòir dha  
chum gu'm biadh 'ur creidimh agus 'ur muinghin  
ann an Dia.

## 6. *Gniomh.*

C. Ciad e gniomh a chreidimh? *F.* Tha e dà  
fhillte (1) gabhail ris mar tha e air a thairgse anns  
an t-soisgeul; ach a mheud as a ghabh ris thug e  
dhaibh cumhachd a bhi 'n an cloinn do Dhia,  
Eoin i. 12. Le bhi gabhail ris mar so tha an  
t-aonadh eadar Chriosd agus an t-anam a' gabhail  
àite agus tha am pòsadh spioradail air a sheulachadh.  
(2) A bhi socruchadh air Criosd: gu sàmhach fan  
ri Dia nan dùl is feith le foighid leis, S. xxxvii. 7.  
Gleidhidh tu esan ann an sith iomlain aig a bheil  
'inntinn suidhichte ort, Isai. xxvi. 3.

C. An urrainnear socruchadh air Criosd gus an  
gabhar ris? *F.* Cha'n urrainn; an toiseach  
feumaidh gabhail ris a bhi ann agus a ris a

## Creideamh

bhi socrachadh air Criosd a tha air a ghabhail thugainn.

C. An e ni eadar-dhealaichte tha ann a bhi ghabhail ri Criosd agus a bhi socruchadh air? F. Cha'n e. Is e ghabhail ris an tòiseachadh agus 'se a bhi socruchadh air buanachadh a bhi 'ga ghabhail.

C. Cionnus tha Criosd gu bhi air a ghabhail tre chreidimh? F. Thà mar tha e air a thairgse anns an t-soisgeul.

C. Cionnus tha e air a thairgse anns an t-soisgeul? F. 'Na phearsa', 'na oifigean, 'na airidheachd agus 'na ghràsan.

C. Ciod tha air a chiallachadh le ghabhail ris mar tha e air a thairgse anns an t-soisgeul? F. (1) Thà ghabhail ri a phearsa agus air an aobhar sin a bhi treigsinn gach uile fhear-saoraidh eile agus a bhi a' ghabhail thugainn Chriosd an iomlànachd a dhà nàduir agus aoin phearsa mar ar slànuighear 'na áonar. (2) Gabhail ris mar fhàidh agus, uime sin, a bhi tréigsinn ar gliocais féin 'ga ghabhail-san thugainn mar fhear-treòireachaidh, mar fhear-teagaisg agus mar fhear-iùil. (3) Gabhail ris mar shagairt agus, uime sin, a bhi tréigsinn ar féin-dheanadas mar bhonn dòchais agus fhìreantachd-san a ghabhail thugainn mar ar \*

## Creideamh

n-aon bhonn dòchais. (4) Gabhail ris mar righ agus, mar sin, a' tréigsinn ar féin-neirt agus 'ga ghabhail-san thugainn mar ar neart.

*C.* Cionnus a shocraichear air Criod? *F.* A mhàin air son slàinte a tha dùnad a mach gach ni eile.

*C.* C'arson a shocruichear air Criod cho maith ri bhi gabhail ris? *F.* Do bhrigh is gu bheil uallaichean air a chreadmheach (1) uallach aineolais agus anmhuiinneachd, agus uime sin tha e socrachadh air Criod mar fhaidhe chum an uallaich so a thogail deth (2) uallach cionta corruiich an t-Athair, agus air an aobhar sin tha e socrachadh air Criod mar fhàidh agus a' fàgail an uallaich so air chum a thoirt air falbh; (3) uallach de ana-miannan agus de bhuairidhean agus, uime sin, tha e socruchadh air Criod chum an casgradh.

*C.* Ciod tha air a chiallachadh le bhi a' gabhail ris agus a' socrachadh air Criod? *F.* Thà a bhi diùltadh agus a bhi trèigsinn na h-uile eile mar bhonn dòchais am fianuis Dhé, no a bhi tréigsinn na féin agus a bhi tréigsinn earbsa ann am féinghliocas, féin-eòlas, féin-fhireantachd agus ann am féin-neart; agus a bhi faighinn a mach uile-

## Creideamh

fhereagarrachd Chriosd agus a bhi a' gabhail thuige a phearsa agus oifigean agus a bhi ag earbsa ann a mhàin air son na h-uile.

C. Ciod iad na nithean eile air a bheil daoine socrachadh, a bheag na mhòr, air son slàinte a bharrachd air Criosd agus a tha iad a' cur an àite Chriosd? F. Tha cuid a' socrachadh air gniomharan an lagha mar bhonn an dòchais agus am muinighin; tha so air a dheanamh leò-san nach fhac riamh spioradalachd no farsuingeachd an lagha; ni mò chunnaic iad riamh iad féin a bhi fo mhallaichd an lagha agus cha d'fhaicich iad an éu-comas féin gu ùmhlachd iomlan d'a h-àithne. (2) Tha cuid eile ann a tha ceangal ri chéile fireantachd Chriosd agus an deanadasan féin mar bhonn an dòchais agus am muinighin. Tha so air a dheanamh leò-san nach fhaca riamh làn-choimhliontachd iobairt Chriosd, no an truaighe féin, agus aig a bheil am beachd amaideach gu an dean Chriosd suas an easbhuidheachd féin. (3) Tha cuid eile ann a tha a' cur an dòchais ann an tròcair choitchionn an Tighearna agus tha iad a' cur an earbsa an so chionn 's nach fhac iad riamh gur h-éiginн riarachadh a bhi air a thoirt airson peacaidh: dh' ardaicheadh iad so tròcair air cost ceartais agus na'm biodh iad idir air an teàrnadh

# Creideamh

bu choma leò co dhiù bha so co-shìnte ri glòir na diadhachd no nach robh.

## 7. *Barantas.*

C. Ciod e am barantas a tha aig a pheacach gu bhi creidsinn ann an Criosd no gu bhi gabhail ris agus socrachadh air air son slàinte? F. (1) Thà cuireadh Dhé anns an t-soisgeul aige mar bharantas gu bhi gabhail ri Criosd. Ho! gach neach air a bheil tart thigibh-se chum nan uisgeachan, Isai. lv. i. (2) Tha foillseachadh deagh-ghean Dhé aige ann a bhi deanamh so: Is i so obair Dhé, gu'n creid sibh anns an ti a chuir e uaith, Eoin vi. 29. (3) Tha àithne Dhé aige gu so dheanamh; agus is i so àithne-san gu'n creideamaid ann an ainm a mhic Iosa Criosd.

C. Cò tha air an cuireadh agus air an àithneadh anns an t-soisgeul gabhail ri Criosd? F. Thà sliochd caillte Adhaimh agus cha'n e na h-ainglean a thuit; oir cha do ghabh e nàdur nan aingeal air ach ghabh e siol Abrahaim air, Eabh. ii. 16.

C. A bheil a h-uile peacach fo'n t-soisgeul, dh'aindeoin cho truaillidh, air a chuireadh gu gabhail ri Criosd? F. Thà: ribhse, o fheara tha mi 'g eigheachd 's tha mo ghuth ri clann nan daoine.

## Creideamh

C. C' àite a bheil an cuireadh so r'a fhaotainn?

F. Ann am focal an t-soisgeul.

C. Ciod e an t-ainm a tha air an t-soisgeul anns a bheil an taigse so? F. Thà gealladh—gealladh na beatha maireannaich do pheacaich mar pheacaich; is e so an gealladh a gheall e dhuinn eadhon a' bheatha mhaireannach.

C. Cò tha 'g ar cuireadh gu Criod anns an t-soisgeul? F. Thà Dia; tha m'Athair-sa a' toirt dhuibh an arain fhior o neamh, Eoin vi. 32.

C. Ciod e an suidheacnadh anns a bheil sinn air ar cuireadh gu gabhail ri Criod? F. Cha'n ann mar mhuinntir thaghta, no mar mhuinntir shaorta, ach mar pheacaich chaillte, oir cha d'thainig e ghairm nam firean ach nam peacach chum aithreachais. Thainig e shireadh agus a theàrnadh an nì sin a bha caillte.

C. Ciod e an t-uidheamachadh a dh' fheumas a bhi aig peacach mus gabh e ri Criod? F. Cha'n e doimhneachd fhairichidhean air fheum air Criod; cha'n e a bheusachd agus cha'n e caoimhneas a chridhe ach e bhi 'na pheacach caillte, seadh, 'na cheann-feadhna nam peacach.

C. Cionnus tha am peacach gu bhi gabhail ri

## Creideamh

Criosd ann an cuireadh an t-soisgeil? *F.* Gu saor, gu h-iomlan, gu sonraichte.

*C.* Ciod tha air a chiallachadh le sinne a bhi gabhail ri Criosd gu saor? *F.* Thà mar tha esan air a thairgse, nasgaidh, gun chumha a choimhlionadh chum esan a cheannach, tha e air a thairgse mar shaor-thiodhlac agus feumaidh sinne gabhail ris mar thiodhlac shaor.

*C.* Ciod iad nan nithean leis an oidhirpich peacaich Criosd a cheannach? *F.* An dleasanasan, am fairichidhean, an treibhdhireas agus an onar, chionn nach aithne dhaibh an truaighe.

*C.* Ciod tha air a chiallachadh le gabhail Chriosd gu h-iomlan? *F.* Tha gabhail ri Criosd 'na phearsa agus 'na uile oifigean.

*C.* C'arson dh' fheumar Criosd a ghabhail gu h-iomlan? *F.* Chionn 's nach foghruinn cuibhrionn de Chriosd; cha'n'eil nì dheth air nach 'eil mòr-fheum againn. Tha ar n-easbhuidhean cho do-leigheas is gu feum sinn a phearsa gu h-iomlan —'na Dhia 's 'na dhuine. Tha feum againn air oifig fhaidheadaireachd chum teagaist; air oifig 'shagairteachd chum fireanachaiddh agus air oifig rioghail chum naomhachaidh.

## Creideamh

C. Ciod tha air a chiallachadh le bhi 'ga ghabhail gu sònraichte? F. Tha e bhi air a dhearbhadh gu deimhin ormsa gu bheil Criod air a thairgse dhomhsa le Dia, seadh, dhomh fhéin gu sònraichte, agus gu feum mi greimeachadh air, air mo shon fhéin, airson slàinte—Eoin vii. 37, ix. 35.

C. Ciod e an gabhail mar mo chuid féin a tha éiginneach chum cuireadh an t-soisgeil a fhreagradh? F. Cha'n e dearbhadh gu bheil Criod agam cheana, no gu bheil mi cheana ann an staid gràis, ach mi a bhi gabhail Criod Dhé thugam a tha air a thairgse dhomh le Dia, mar mo chuid féin, chum 's gu'm bi esan leam-sa agus mise leis-san.

C. An e an Spiorad Naomh a tha gu bhi gabhail Criod do am pheacach, no gu bhi creidsinn ann an Criod airson a' pheacaich? F. Cha'n e. Is e an Spiorad a dh' oibricheas an creideamh anns an anam leis a mhàin an urrainn do am pheacach a bhi creidsinn; ach gniomh an chreidimh ann a bhi gabhail gréim air Criod, is gniomh an chreidmhich féin e fo bhuaidh an Spioraid: A bheil creidimh agad? Biodh e agad dhuit féin am fianuis Dhé, Rom. xiv. 22.

# Creideamh

## 8. A' chrioch.

C. Ciod is crioch cleachdaidh creidimh air Criosc? F. Slàinte is crioch: Creid anns an Tighearn Iosa Criosc agus teàrnar thu, Gniomh xvi. 31.

C. Ciod i an t-slàinte a gheibhear tre chreideamh ann an Criosc? F. (1) Slàinte bho pheacadh, Mata i. 2. (2) Slàinte bho chiont agus bho chorruich, i Tesal. i. 10. (3) Bho ghràinealachd a' pheacaidh. (4) Bho bhith a' pheacaidh.

C. Ciod an ceangal a tha eadar creidimh agus slàinte? F. Cha 'n e creideamh airgiod gu slàinte a cheannach, no gràs gu a toilltinn, ach is creideamh a' bhann a tha a' ceangal pearsa a' pheacaich ri Criosc, an t-aon shlànuighear.

C. C'arson tha slàinte tre chreidimh agus nach ann tré ni air bith eile? F. Chum agus gu biodh i tre ghràs.

C. Cionnus tha i tre ghràs an uair tha i tre chreideamh? F. A chionn gu bheil creideamh a' deanamh an duine na's faladh dhe fhein agus a' glòrachadh Dhé na's mò na na h-uile ghràsan eile.

## 9. Gnè.

C. Ciod e cliù an chreidimh? F. (1) Tha

## Creideamh

creideamh a' teàrnadh, do bhrigh, le bhi ag aonadh an chreidmhich ri Criod, tha e a' deanamh a theàrnadh cinnteach. (2) Tha creideamh luachmhor, 1 Pead. i. 7; 2 Pead. i. 1. C'arson tha e luachmhor? Do bhrigh gur e (a) an t-sùil a chì maise Chriosd, (b) an chluas a chluinneas a ghuth, (c) an làmh a dhlùth ghabhas ris, (d) am bann a tha ceangal ris, (e) meadhon an fhìreanachaидh a' greimeachadh air fireantachd Chriosd, (f) priomh-chuibhle nan gràsan eile agus a tha 'gan cur air għluasad, (g) agus trid tha teachd-an-tìr ar beatha Spioradail, agus is e a tha a' tarruing uile lòn do an anam á lànachd Chriosd, co dhiubh is e solus, comh-fhurtachd, no neart.

C. C'arson tha Dia a' cur uiread de dh' urram air creideamh? F. Do bhrigh (1) gu bheil e a' deanamh a pheacaich falamh, (2) tha e cur urram air Criod le bhi gabhail ris a mhàin air son slàinte, (3) tha e a' moladh dòigh teàrnaidh Dhé ann an Criod, (4) tha e toirt uile għlòir an teàrnaidh do Dhia.

C. Ciod i an obair anns a bheil e deanta? F. Anns an ath-ghineamhuin.

C. C'uin tha anam a' gabhail ri Criod agus

## Creideamh

a' socrachadh air 'na aonar air son slàinte?

F. An uair tha a chor cailte agus euomas air e féin a theàrnadh air a dhearbhadh air agus gu bheil Criod deònach agus comasach air a theàrnadh. An sin tha e leigeil as gu h-iomlan a ghréim air fhireantachd féin agus a socruchadh air Criod gu h-iomlan air son slàinte.

### 10. *Iomradh.*

C. Ciod tha am Biobull ag radh tha creideamh deanamh? F. Thà (1) a bhi gabhail, (2) a bhi a' socruchadh, (3) a bhi a' coimhead ris, (4) teachd thuige, (5) a bhi ag ithidh, (6) a bhi ag òl, (7) a bhi a' ruith, (8) a bhi a' teicheadh, (9) a bhi dol a steach, (10) a bhi ocrach, (11) a bhi tartmhòr, (12) a bhi beò air, (13) a bhi ceannach, (14) a bhi ag còmhnachadh ann, (15) a bhi ag imeachd ann, (16) a bhi togail air.

C. Co as tha na h-iomraighean sin air creideamh ag éirigh? F. Thà bho na dòighean eadar-dhealaichte anns a bheil cuispeir a' chreidimh air a chur fo ar comhair. Nuair tha an cuispeir air a chur fo ar comhair (1) mar thiodhlac tha e a' gabhail, (2) mar bhunait tha e' socruchadh no togail air, (3) mar nì glòirmhor tha e ag amharc ris, (4) mar dhachaидh no mar charaid tha e

## Creideamh

teachd thuige, (5) mar bhiadh no mar dheoch tha e ag itheadh agus ag òl, (6) mar dhidean tha e a' ruith no a' teicheadh thuige, (7) mar dhorus tha e a'dol a steach air, (8) mar chuibhrionn tha e 'ga cheannach, (9) mar charaid tha e ag earbsa ann, (10) mar bhiadh tha e beò air, (11) mar àite-còmhnuidh tha e tàmh ann, (12) mar slighe tha e ag imeachd air.

C. An urrainn Criosd a bhi air a ghabhail gun e bhi air thairgse? F. Cha'n urrainn.

C. Ciod an t-ùghdarras leis a bheil e air a thairgse? F. Air ùghdarras na Diadhachd—ùghdarras an Athar mar fear-ionaid na Diadhachd; ach tha m' Athair-sa a' toirt dhaibh an arain fhior o nèamh, Eoin vi. 32.

### 11. *Cunnart.*

C. A bheil eas-creideamh 'na pheacadh antromaichte? F. Thà; is e am peacach as antromaichte.

C. Ciod tha 'ga dheanamh mar so? F. Do bhrigh (1) gu bheil e a' deanamh breugaire de Dhia, i Eoin v. 10. (2) Chéus e mac Dhé as ùr, Eabh. vi. 6: tha e a' toirt aobhar soilleir do na h-Iudhaich Criosd a chur gu bàs agus tha an

## Creideamh

eas-creideamh ag radh ann an aon fhocal gu'm b'e mealltair bha ann an Criod. (3) Tha e a' mort an anama chionn nach 'eil slàinte ann dh' easbhuidh creideamh ann an Criod.

C. Ciod tha a' deanamh mi-chreideamh cho cunnartach? F. Thà nach e a mhàin gu bheil am peacach air fhàgail fo chudthrom dìtidh an lagha ach mar an ceudna gu bheil e 'ga thoirt féin fo chudthrom dìtidh an t-soisgeil. Tha an soisgeul tighinn thairis air uile bhagraidhean an lagha agus ag radh, "Is e so an dìteadh gu'n d'thainig an solus do'n t-saoghal agus gu'n do ghràdhaich daoine an dorchadas na's mò na'n solus, chionn gu robh an gniomharan olc," Eoin iii. 19.

C. A bheil e 'nar comas féin creidsinn ann an Criod? F. Cha'n'eil.

C. An dean ar n-eu-comas creidsinn ann an Criod lethsgeul dhuinn? F. Cha dean; cha dean mi-chomas neach gu fhiachan a phraigheadh a leigeil as; feumaidh e fulang.

C. An e ar peacadh no ar mi-fhortan ar n-eucomas gu creidsinn ann an Criod? F. Is e ar peacadh antromaichte. Tha an Spiorad, an uair thig e, a' toirt làn-dearbhadh mu mhi-chreideamh agus gur e am peacadh as antromaichte.

## Creideamh

C. Ciòd, uime sin, dh'fheumas sinn a dheanamh an uair nach urrainn dhuinn creidsinn? F. Feumaidh a bhi ag ùrnuigh gun sgur gu'n oibricheadh an Spiorad annainn e chum ar tarruing le a ghràs. Tarruing mi. Ad dheidh ruithidh sinn, Dan. i. 4.

### *Earail.*

1. Luachmhorachd a chreidimh, oir is e a chrioch slàinte.

2. Freagarrachd Chriosd mar shlanuighear.

3. Feum air creideamh oir is e creideamh a tha ceangal a' pheacaich agus Chriosd r'a chéile agus as eugmhais creideamh tha e eu-comasach Dia a thoileachadh.

4. Luach an t-soisgeil agus meadhonan nan gràs agus cho feumail 'sa tha e bhi feitheamh gu dichiollach orra. Is ann o éisdeachd thig creideamh, Rom. x. 17.

5. Sonas nan creidmheach a chionn gu'n chreid iad an fhianuis rinn Dia mu thiomhchioll a mhic, 1 Eoin v. 10-12.

6. Truaighe nan as-creidmheach oir dhiùlt iad an fhianuis; ge b'e nach creid, ditear e, Marc xvi. 16.

## Creideamh

7. Feum air ùrnuigh gu'n tigeadh an Spiorad dh' ionnsuidh ar n-anaman chum 's gu'n tugadh e air falbh sgàile an aineolais a tha folach bho bhur sùil glòir Chriosd agus gu'n deanadh e toileach sibh gréim a dheanamh air Criosd agus dlùth-leantuinn ris.

## DIOGHLUIM

*Ceann-teagaisg.* Bha Mhr Porteous am ministeir urramach a bha ann an Ros là àraidih a' marcachd air a' ghaineimh mhìn air an tràigh agus e a' dol a shearmonachadh ann an sgìre eile. Ged bha e air an rathad cha robh fhios aige ciod e an ceann-teagaisg a bha gu bhi aige. Ach bha bean bhochd a' dol air thoiseach air agus bha i a' bruidhinn rithe fhéin. Leis a' ghaineamh a bhi min cha chuala i an t-each a' tighinn agus chuala am ministeir i ag ràdh : "Is sona na fhuair Thu." "Is cinnteach a bhean, gu'n d' fhuair thu fhéin e," arsa esan rithe. Cha dheanadh i so àicheadh. "Ciod e a nis uiread 'sa fhuair thu dheth?" dh' fharraig e. "Uiread," arsa ise, "'sa thug fuath do pheacadh agus gràdh dha Fhéin." Thug so bonn-teagaisg do Mhr Porteous.

*Nì nach robh 'snach bì.* Bha ceisdear ainmeil aig Mhr Porteous air an robh Domhnall Miseil mar ainm. Bha r'a linn criosduidh soilleir toilichte ann an Srath-Bhrura an Cataoibh air an robh mar ainm Rob Mac Mhorachaидh no Sutharlan.

## Diogluim

Chuala na fir iomradh air a' chéile, ach is ann mar so a thàinig iad gu eòlas pearsanta a chur an dara h-aon air an aon eile. Bha Domhnall a' dol gu òrduighean ann an Clìn, agus faisg air Goillspidh chunnaic e duine 'na shuidhe ri taobh an rathaid. Thàinig a stigh air an duine a cheasnachadh, agus e fhéin 'na cheisdear co-dhiùbh. "Cuiridh mi toimhseachan ort a dhuine," arsa esan: "An innis thu dhomh-sa rud nach 'eil, 'snach robh, 'snach bì." "Innsidh," arsa am fear eile: "Duine ann an teaghlach m' Athar (teaghlach a chreidimh) gun ath-bhreth." "An tu Rob Mac Mhorachaidh?" "Is mi." "An tu fhéin Domhnall Miseil?" "Is mi."

*Urnuigh gun sgur.* Bha Alasdair Bhas 'na eildear cliùiteach anns an t-sean aimsir an sgìre na Tòiseachd, agus 'na cheisdear air taobh deas caol Inbhirnis. Bha e uair ag ceasnachadh tè ann an sgìre Chròidh agus chuir e a' cheisd rithe: "Am bi am peacadh a' cur eagail ort?" "Bithidh," arsa ise: "Agus an uair a bhios, ciod a nì thu," arsa esan. "Théid mi dh' urnuigh," arsa ise. "Agus," arsa esan, "an cuir thu sin mar dhig eadar thu 'sam peacadh?" "Bu bhochd an dìg e," arsa ise. "An ruig am peacadh ort an déidh sin?"

## Dioghlum

arsa esan. "Ruigidh." "Agus ciod a nì thu réisd?" "Théid mi dh' ùrnuigh." "Ach an dean sin dìg dhuit?" "Cha dean." "Agus ciod a nì thu an sin?" "Théid mi dh' ùrnuigh." Lean e oirre mar so seachd cuairt agus mu dheireadh thubhairt e. "Is e as coslaich, a bhean, gu'm feum thu reisd a bhi ag ùrnuigh gun sgur." "Agus nach e sin, a dhuine, a tha air iarraidh oirbh féin, cho maith riumsa?"

*Tigh ath-shlàinte nan creidmheach.* Tha sluagh a' Chruith-Fhir ann an staid nan gràs cosmhuil ri muinntir a bha aon uair ann an teasaich, ach a tha nis a' dol am feòdhas. Agus ciod e a tha an t-Ard-Leigh ag òrduchduinn dhaibh? Eh, fhaic sibhse, tha e ag àithneadh dhaibh a bhi dol gu àite anns am faigh iad àile għlan; agus c'ait am faigh iad sin? Eh, gheibh air beanntaibh a' cho-chomuinn ris an Tighearna. Agus ciod e ni eile a bhios an Leigh so ag òrduchduinn dha shluagh anmhunn fhéin? Eh, tha e ag àithneadh dhaibh a bhi trom air bainne maith; agus c'ait am faigh iad bainne cosmhuil ri bainne fiorġħlan an Fhocail? Agus ciod e tuille a tha an Leigh ag òrduchduinn airson slàinte na muinntir so? Eh, thoiribh fainear tha e ag comhairleachadh dhaibh a bhi

## Dioghlum

coiseachd; agus c'ait a bheil iad gu bhi agimeachd? Tha iad gu bhi a' sìor għluasad eadar am falamhachd fhéin agus an lànachd a tha ann an Criod.—*Dr Aird.*

*Na meanbh-chuileagan.* Tha caoraich Chriosd cha'ne a mhàin air an gearradh le dris is droigheann an t-saoghail, ach tha iad air uairean air an sàruchadh leis na meanbh-chuileagan. Agus ciod iad na meanbh-chuileagan a tha cho draghail dha treud Chriosd? Eh, thà na smuaintean diomhainn.—*Dr Aird.*

*Còrd na slàinte*—Sech. xx. 11. Is e bha anns an phriosan so slochd, agus cha b'urrainn na priosanaich a bhi faotainn as le bhi a' cladhach foidhe, ni mò b'urrainn iad a bhruachan a dhìreadh. Is ann bha feum aca air tobha no ròp a bhi air a leigeil sios dha'n ionnsuidh. Ach dh' fheumadh an tobha no am ball so a bhi fada na's leòir agus làidir na's leòir, agus a bhi ann an làimh a bha neartmhòr na's leòir. Nise ciod e an tobha no am ball a tha air a leigeil sios 'dh' ionnsuidh nam priosanach so? Eh, thà, fhaic sibhse, còrd na slàinte. Agus tha so fada na's leòir, oir ruigidh e iad ann an doimhne an truaighe. Tha e làidir

## Diogluim

na's leòir, oir is e tha ann còrd tri duail—gràdh taghaidh an Athar, gràdh saoraidh a' Mhic, agus gràdh naomhachaidh an Spioraid, agus cha bhris an còrd so. Tha e daingean na's leòir, oir tha e ann an làimh chumhachdaich Dhé. Ach tha nì eile a tha fior mu'n tobha—tha lùb air a cheann, cha'n ann a mhàin chum is gun dean na priosanaich greim air, ach, éh, thoiribh fainear, lùb a ni greim orra. Agus ciod an lùb a tha air còrd na slàinte? Eh, thà cùmhnant nan gràs air a leigeil sios anns an t-soisgeul, oir tha e sgriobhta: “Le ful do choimhcheangail chuir mi mach do phriosanaich as an t-slochd anns nach robh uisge sam bith.”

—*Dr Aird.*

*Lùbadh na toile.* Tha an toil nàdurra cosmhuiil ri gàta iarruinn nach gabh lùbadh gus am bi e air a chur anns an teallaich. Agus ciod e an teine anns a bheil an toil air a garadh no air a teasachadh? Eh, thà ann an gràdh Chriosd.  
—*Dr Aird.*

*Rut.* Bha Orpah cosmhuiil ris a' mholl a dh 'fhalbhas leis a' ghaoith, ach 'se bha ann an Rut an cruithneachd glan; bheireadh i gniog<sup>1</sup> air a' ghuit.—*Dr Aird.*

<sup>1</sup> Cnac no fuaim.

## Dioghlum

*Ath-aithris na diadhachd.* Bha Ioseph Macaoiadh a' ceasnachadh ann am Port-Skerra air là àraidh, agus fhreagair a' neach a bha e a' ceasnachadh a h-uile ceist a chuireadh air cho fileanta agus cho pongail agus gu do shaoil an sluagh gu moladh Ioseph a' neach so air 'eòlas. Ach an àite do Ioseph, a bha fo amharus a thaobh a neach a fhreagair, sin a dheanamh 'sann a labhair e mar so: "Tha againne thall ann a' Gallthaobh aig an àm so," arsa' esan, "daoine ris an abrar luchdtomhais fearainn, a dh' innseadh dhuit a h-uile h-òirleach fearainn a tha 'san t-sioramachd gidheadh cha bhuin aon òirleach dheth dhaibh féin. Thuig an luchd-éisdeachd."

*Cronachadh an gràdh.* Dha fear nach do thuig e fhéin doimhneachd a' Chùmhaint, a bha ag gearain air cho fad fhas is a bha searmon a' nhinisteir bho theagasc a' Chùmhaint thug ceistear ro ainmeil am freagradh mìn agus tomadach so: "Tha sinn a' leughadh," arsa esan, "anns an t-Soisgeul mu choinneamh de àrd-chomhthional eaglais Dé, air an robh Ceann na h-eaglais 'na Mhodaràdar, agus thainig teachdairean a dh' ionnsuidh an àrd-chomhthionail so, aon bhuidhionn dhiubh bho an eaglais air nèamh agus

## Dioghlum

am buidhionn eile bho an eaglais air thalamh. B'e a' phuing a bha an t-àrd-sheanadh a' rannsachadh, an Cùmhnant. Cha robh am buidhionn bho an eaglais air thalamh fad ag éisdneachd an uair bha iad air chall ann an diomhoireachd an rannsachaidh, ach uiread so co-dhiubh lean riutha gu'n do labhair iad m'a bhàs, a bha esan gu choimhlionadh ann an Ierusalem."

*Leabhar beatha an Uain.* Is e bha air iarraidh air là na ceist comharraidhean orrasan aig a bheil an ainmean sgriobhta ann an leabhar beatha an Uain. Cha robh e furasda dha na daoine na comharraidhean so a thogail, agus cha robh iad deònach a bhi labhairt. An sin dh' iarradh air Seargant Ros á sgìre Roscuinidh éirigh agus labhairt ris a' cheist. Bha an seann saighdear air a chosan gun mhoille sam bith agus mar so labhair e:—"Tha mise dearbh-chìnnteach gu bheil m'ainm-sa sgriobhta ann an leabhraichean a' *War Office*. Cha'n fhaca mise na leabhraichean so, no m'ainm sgriobhta annta, ach tha mi cho dearbh-chìnnteach gu bheil m'ainm annta is ged do chunnaic mo shùil e, agus sin airson nan trì aobharan so. Fhuair mi mo *dhischarge* agus tha i agam; tha lotan air mo chorpa' dearbhadh gu'n

## Dioghlum

do chathaich mi an aghaidh naimhdean na rioghachd; agus tha mi a' faighinn mo *pheansan* gu riaghaltach air a là. A cheart cho cinnteach tha mi gu bheil m'ainm agus ainmean uile shluagh Dhé ann an leabhar na beatha, oir chaidh an cur saor; tha iad a' giulan comharraighean an chatha spioradail air an siubhal, agus tha iad a' faotainn gach là bho làimh fhialaidh Dhé cuibhrionn cho mòr de thròcairean araon am freasdal agus an gràs ionnan 'snach dean as-creideamh fhéin àicheadh gur iad so tiodhlacam mòra agus prisail Dhé.

*An Seann Saighdear.* Tha e air aithris gu'n robh an t-Urr. Maighstir Cook a bha ann an Deimhidh a' ceasnachadh ann an teaghlach 'sa' choimhthional agus gu'n do thachair gu'n robh seann saighdear an làthair. Dh' fheòraich Mr Cook ceisd de'n t-saighdear. Fhreagair e nach b'urrainn e a freagairt. Dh' fheòraich Mr Cook ceisd eile dheth agus fhreagair an saighdear a rithisd nach b'urrainn e a freagairt. Thubhaint Mr Cook ris: "Am bi thu 'leughadh a' Bhio-buill?" Fhreagair e, "Cha bhi." Thubhaint e ris: "An do leugh thu riamh am Biobull?" Fhreagair e: "Bha mo mhàthair a' toirt orm a bhi 'ga leughadh gus an d'fhalbh mi o mo dhach-

## Diogluim

aidh 'nuair a bha mi ochd bliadhna deug a dh'aois. Aig an àm sin chaidh mi gus an t-saighdearachd agus cha do leugh mi am Biobull an deidh sin." Thubhaint Mr Cook ris: "Am bheil thu 'smuain-eachadh gu'n d' fhuair thu buannachd air bith o na leugh thu de'n Bhiobull?" Fhreagair e: "Cha'n'eil mi 'saoilsinn gu'n d' fhuair." "An urrainn duit a radh gu'n do chum na leugh thu dheth thu o aon pheacadh a ghniomhachadh nach do chuir thu an gniomh?" arsa Mr Cook. Bha an saighdear sàmhach car ùine agus an sin fhreagair e: "'S iomadh peacadh a ghléidh na leugh mi de'n Bhiobull mi gun a chur an gniomh." Thubhaint Mr Cook ris: "Nach bochd nach do chum thu air a bhi'ga leughadh? Oir ma thòisich an fhirinn air thusa chumail o'n pheacadh shaoradh i t'anam. Ach sguir thu 'ga leughadh. Tha fics agad nam biodh agad ri dol do bhaile Inbhirnis ged rachadh tu leth na slighe, nan stadadh tu an sin cha ruigeadh tu an t-àite sin gu bràth. 'S ann mar sin a tha e a thaobh thu a sgur de leughadh a' Bhiobuill; na'n do chum thu air a leughadh bheireadh e thu do na Flathanas. A dhuine, nach bochd gu'n do sguir thu dheth?"

Tha e air aithris gu'n do ghuil an saighdear.

S e Dia as tearmunn duinn gu beachd,  
Ar spionnad e 's ar treis:  
An aimsir carraig agus teinn,  
Ar cobhair e ro dheas.  
Mar sin ged ghluaist' an talamh tròm,  
Cha 'n aobhar eagail duinn:  
Ged thilgeadh fòs na sléibhte mòr'  
Am builsgein fairg' is tuinn.—*S. xlvi. 1-2.*

Fa chùis an uamhais anns an oidhch'  
Cha bhi ort geilt no sgàth;  
No fòs fa chùis na saighde bhios  
A' ruith air feadh an là:  
Cha bhi maoin eagail ort roimh 'n phlàigh  
Tha triall an dorchadas:  
No fòs fa chùis an uilc a bhios  
Mu mheadhon là ri sgrios.—*S. xcii. 5-6.*

Is treise Dia ta chòmhnuidh shuas  
Na fuaim nan uisge garbh';  
Is treise Dia na sumainnean,  
Is tonna cuain gu dearbh.—*S. xcii. 4.*

"'N UAIR a rinn a' Roinn-Eorp' bagairt a' dheanamh air na h-eileanan so, bhithheadh e 'na mhasladh air treubhantas mic fhoghainteach Ehreaduinn mur a d' éirich iad mar aon duine a' dhion an dùthaich mhàthaireil. . . .

Oir tha araon ar Righ agus ar tir ro-airidh air cathachadh as an leth, agus cha b'e ach an dubh-ghealtair nach doirteadh fhuil gu toileach air an sgáth. . . .

'N uair tha eud an t-saighdeir 'na theine le gràdh tir' is teach', cha'n'eil criochan aig dànachd a spioraid, agus cha'n'eil beart arma ris nach sín e làmh. . . .

Is fior rogha òigridh ar duthcha saor-shaighdeirean ar Righ, agus cha'n'eil an coimeas an arm tir air bith. Bu choir "Tir nam beann 's nan gleann," bhi na "Tir nan gaisgeach." . . .

'S ann le bhi gu cinnteach air taobh Chriosd bhithear neo-sgàthach anns a' chath. Bitheadh a Cheannard 'na chridhe agus cha bhi crith ann an gàirdean an t-saighdeir. Na bitheadh crùbadh bho'n chòmhrag, oir tha beatha a' Chriosduidh teàruinnt agus tha 'bhuaidh cinnteach. Roimh dha dhol 's a' chath tha bheatha ann an gleidheadh Dhé. Iadsan bheir buaidh troimh an Uan bithidh orra crùn na glòire, agus bithidh slainte naomhachd shoirse aca. Dhealaich iad ri 'n dòghruinn anns a' bhuaidh, agus bithidh sonas bith-bhuan 'nan cridheachan agus aoibhneas siorruidh air an cinn 'n uair a shiubhlas iad a stigh gu fois agus àrd-shonas agus glòir tigh an Athar."

*Dr Ceanайдeach*

*bha'n Inbhir pheofharan.*











